



世
日
隔
尘
樂

采
琴
十
五
十
一
勞
歌
樂



春融堂集卷十

青浦王昶



勞歌集 戊子

題曹來殷難燭脩書圖

紅袖娉婷傍葯欄
紉書靜夜灑銀翰
共知徐庾詞章麗
更訝尹邢格相端
八字梳成雲嫋嫋
五銖衣薄珮珊珊
持裾差覺蒼茫滑
刻鞞遙憐碧露溥
宮燭金蓮移短檠
名香寶盒熱旃檀
穿檐月自窺雙笑
繞砌花宜證合歡
坐倚藤牀書匝路
迴蕉檻石嶺岼妝
殘祗益低鬟媚
秋冷還添半臂單
蚤識待年占命合
好逢當夕佇更闌
非烟非霧成三影
為雨為雲想二難
南國鏡中真有伴
西清天上豈嫌寒
說文點畫分魚魯

君時纂音 韻述微 釋地圖經辨馬韓 君修文獻通考奉 起草漸看盈

縹軸早朝便擬進 金鑾蓬山閬苑聲華遠舞幃歌袖偃仰
寬小字茗華鐫疊壁內家裙衩製輕純渡江楫已迎桃葉織
錦圖兼羨若蘭君時迎夫人于茗溪兩如信有風懷伴小宋
斷無霜鬢等愁潘漁莊笑我思投老擁髻分明幻影看

贈莊上舍似撰

所

執手頻驚歲月馳青衫如舊鬢成絲文章未合終三黜身世
何當賦五噫桂海花濃鄉夢遠時初從蘭陵酒熟客歸遲窮
愁莫忘名山業自有桓譚異代知

同朱學士竹君過介座主受茲

福

故第

在東城
燈市

金張甲第禁城東辰巳曾悲昔夢空燈市仍看明夜月經帷
誰與坐春風祇留虎觀文章在回望龍門涕淚同更憶名園
郊外路琴書寥落野棠紅

題錢上舍志堂

茗水山莊圖三十一韻

吳興水晶宮宮闕在寒鏡生平諷其詞輒欲往洄泳泖湖接
茗溪一帆路非夙悠悠二十年烟波負吳榜錢君家溪濱雲
林宛鈞曠山峯佛髻旋田稜僧衣淨捎檐竹萬竿繞約荷千
柄香茆綠柳陰軒窗頗明瑩定有壓架書夜讀翦短檠訪秋
散清衿追暑樂幽性矧逢二巳餘細桃鬪春令繁花互芳妍
老榦轉枯硬沄沄蘋葉生簇簇蘆芽迸咿啞鴨背船茶具足
容併跂腳復持頤沿流理漁詠吾聞古畸人秉志必孤勁進
不諧時榮退乃守閒覲用表歲寒心素履獨雅正元真昔浪
跡寔亦謝營競今君及盛年方期試從政有如傾城姝重錦
初待聘奚爲賦郊居遠比谷口鄭君言戀蘭陔海南事溫清
自攜尺幅圖庶豁鄉思柄洵矣物外心塵勞豈能病我本山

水人舉足畏機穿黃塵壓烏帽空思奉朝請結習沿多生耽
幽悟宿命故園渺橫雲久負松菊盛方將騁遠遊自分愧清
行況此鷗波邨勝踐何由更夙願未易償沈吟慕張邴

參贊珠侍郎

魯訥

輓詩

時在木邦被圍水斷糧絕遂
自到督臣鄂寧奏其會戮降

人以致衆心不服後尹文端
公力白其誣乃得

于郵

旃門獵罷奉軍符

時從獵木蘭被
旨即行

豈意旋捐六尺軀慷慨何

人能斷指

護印之知府等乘間
先逃無有爲請援者

蒼黃獨夜效銜鬚憑城雨礮

千夫勦歸國雲旂萬騎趨

後有戌卒夜見侍郎與福
公明瑞入關騎從甚盛

誅蕩天

門游帝所定持長筭掃蠻區

簪毫曾共侍瑤墀就死終由力不支拜井心危揚水後

賊敵
知城

中水道已絕
悉力攻圍

囊沙力盡唱籌時

時糧儲久絕士
卒無固守志

戮降尚苦邊

臣議卹死深邀

聖主知太息歸元還未得空畱宰樹護

寫碑

奉

命往雲南辦理靖邊左副將軍雲貴總督阿

廣庭先生

桂

軍務許侍御穆堂

寶善

招集朱竹君曹

來殷程魚門沈南雷

世煒

兩舍人暨梁孝廉兼士置

酒餞別慨然有作三首

短衣雄劍逐嫖姚餞別多君折簡招促坐明鐙借近局閉門

投轄趁長宵行隨日月雙丸駛

凡馳驛赴軍前
者必晝夜兼行

遍歷河山兩

戒遙後夜相思如騁望蠡旗指處是征輶

明河欲落酒旗張卜夜歌呼意轉長但望東風占暎律

拾遺
記東

風入律則
遠人來服

何辭朔雪犯嚴裝心關去住頻彈指語雜悲歡總

斷腸賴有石交蛩駞似交陬萬里共扶將

時升之
同行

東都賓客此宵俱揮袂何堪趣首塗河朔樽開拚酪酏日南

版納歎崎嶇普洱邊外普藤等十二土司加以宣慰使號十三版納猶言隸版圖納貢稅也雲連寶井浮兵氣寶井在猛密今春公明瑞由象孔旋師經此路繞金沙接鬼區大金江海本鬼家宮裏雁所居歸日定成蠻府客夜闌如夢話媿隅

魚門以詩贈行次韻

忽隨征旆蹋霜花萍水行蹤豈有涯筮仕何能商出處談兵尚欲辨堅瑕怒江雲壓夷官寨瘴雨春濃狔老家涕淚餘生意氣盡敢將磨盾向時誇

與鑑南話緬甸舊事再次前韻

安風瘴雨炫蠻花路隔瀾滄水一涯久識彈丸同爨股何須設版視焦瑕 中朝文德諧虞舞絕徼神靈奉漢家南賚旋看來職貢白狼詩句為君誇

竹君來殷魚門馮員外君弼廷丞吳孝廉泉之省蘭

置酒再餞仍次前韻留別

東籬久負故園花是日座間菊花盛開叱馭將經洱海涯歸日要當歌競病餘生終畏摘疵瑕卜居苦戀三間屋時眷屬仍住蒲褐山房乞米空憐十口家賴有送行詩句壯酒酣燭跋更長誇

發京師二首

往事真如夢誰知得此行纔看摻別袂已促赴嚴程生理何從數羈懷未忍明更無腸可斷搖漾任心旌

草草裝衣被淒淒問寢興三年從此隔萬事總難憑黯澹離羣鴈傍徨穴紙蠅蘆溝嗚咽水聽罷祇瞢騰

良鄉夜宿示升之

萬里嚴裝一葉身生涯終擬作勞薪艱難尚幸依良友流落何堪媿昔人斜日心懸 仙闕樹秋郊腸斷 屬車塵丙戌從謁

從天津皆經此路最憐今夕重幃裏已對寒燈鬢指頻

涿州道中再示升之

驛路蕭條柳十圍斜陽影裏共驂駢詩場酒座前塵遠橘社
尊鄉宿願違落葉隨風難自料長星配月好相依誰知畫省
簪毫客袴褶秋原學飲飛時與索倫侍衛同行

晚次安肅寄來殷

紅亭昨日始分襟別夢羈愁已不禁老淚豈堪頻洗面短書
何忍訴傷心青山送客程程遠白髮依人種種深百韻新詩
聯未就知君翦燭更長吟

宿定州再寄來殷

土銜菊檐蠟影斜相思排日寄疏麻近來好事知誰與別後
新詩莫厭賒夢裏琴尊尋米市來殷近寓米市衙街客中風雪趁柴車

書回應與斑驩客

謂陸重暉秀才伯焜

罷酒扶牀一嘆嗟

定州曉發示升之

郵籤一百廿程遙

自京師至永昌凡一百二十驛

第七程中第四宵支枕卻

貪殘夢短攬衣重覺別魂銷橫斜野水冰將合颯沓商聲樹
盡凋安得中山千日酒與君扶醉上征輶

龍興寺

法鼓香雲供梵天膽巴遺蹟尚依然金人永鎮三千界石墨
曾經五百年莽莽關河分趙魏冥冥沙霧隔幽燕太行一角
青如畫用東坡句洵卜隨師萬里旋

藥城旅夜

迅於激箭疾於丸併日兼程敢自寬健僕喧呼攜襪被庖丁
倉卒具盤餐魚梁水落秋沙擁馬背霜濃曉色寒一髮常山

天際路五雲何處望長安

示張同年鳳鳴時為邯鄲知縣

飛鳥稱仙令談經儼大師相逢纔摻袂為我已端著瘡痍安
方劇干戈熨道危重離雖不動未敢卜歸期君精易理著得離卦六爻皆不

動言止戈之兆也

懷洪舍人伯初

卓犖清才世共知頻年同直鳳凰池
鼓書欲仿容齋筆濯體仍沿玉父詞
坐擁青綾宮燭暝封殘紫誥禁鐘遲而今華萼何由見令弟孝廉將次入都心折江湖萬里思

途遇吳侍讀冲之即別時從貴州主試回京

不分河梁此際登風沙滿日意難勝
深知道路容顏改欲語家門涕淚增
噩夢驚心終自咎歸期屈指正難憑
煩君說與

慈親道辛苦加餐力尚能

新鄭驛中見月季花方開有感三絕

十月西風打面寒誰知紅萼未凋殘
短牆一簇垂垂發畱與征人掩淚看

凌冬景色倍悽妍弱葉輕塵驛舍前
自歎不如花信準時時開傍月輪圓

青腰未忍損薦紅猶有芳華發
故叢便是折來當歲暮不堪蕉萃寄征鴻

旅夜懷南北舊遊

廿年傾蓋盡名流旅館寒燈數舊遊
嘯侶仍同燕市酒攜家重上越人舟
心餘近主西湖春漲淹漁艇曉徵近北郭花深當酒籌晉我似西南秋月迴獨畱孤影照蠻陬

泊襄陽

望裏溪山罨楚雲蕭條遷客竟何云傷心賦早同開府誓墓
書真愧右軍鐵鹿連檣江外渡銅鞮舊曲夜深聞莫辭墮淚
碑前過衫袖唬痕已不分

自漢江至江陵道中作

攬袂登扁舟烟水已盈目參差雉堞聞疎林間茆屋鹿門遠
可辨峴首近相屬溪山紛有情競欲慰羈束漢江獨西來送
我下安陸相隨數百里明流尚泐泐沿江富邨墟宛似華亭
谷扣舷忽眼明見此千畦竹豈徒緩離枕頗覺愜遐鷓所嗟
京雒遙窮巷委家族拒門風雪深誰爲具館粥寒鴻杳不來
何由悉熒獨

昨泊茅草洲今過多寶灣涼波漾蘋末側側西風寒楚雲正

清曉拂面增淒酸別緒已寥落復此征衣單心神忽懔懔欲
狀愁無端秋冬款緒風騷客古所歎况我遠行邁搖落臨江
山天低欲釀雪黯淡誰能歡且趁獸炭煖呼酒聊開顏

楚天本淒清雲物結陰暄古來遷客居江山亦蕉萃有如傷
心人一往輒墮淚我登樊水船五日罕晴霽今宵驟雨來灑
空忽作勢飄蕭下船脣颯沓走沙次何人更夜漁漁歌激悲
厲聽此歌聲哀毋乃風土異意者屈宋魂遺音在南裔

曉雨已蕭寥暮雨更淒械楚山萬重雲杳與寒空積嚴風亦
刁騷如弩射牕隙愁人本不眠假寐旋遠適依稀在庭闈起

居視巾幘稍疑容顏殊慘淡異疇昔復如倚梧巢蒼燕沒苔

石舊遊出視吾殷勤問行跡是夜所夢如此倚梧巢則蔣忽

驚江濤喧船舫互推激累此孤征魂往來度關驛夢殘天未

明輾轉何由釋終當學無生稍以杜羈疾
我作苦雨吟三朝復三暮水宿淹程期風濤戒徒御其來自
初昏其還逮清曙歎我遠飄蕩誰與慰悽悽蕭條入蓬牕如
怨更加訴助以嗚咽音徐疾互相赴我老不堪愁無淚共傾
注翳翳成燈殘杳杳寒笳度生平西窗懷擁衾渺何處
曉雲尚未霽理楫遵川塗迴帆入澤口水落寒江枯汀洲互
隱現沙石相縈紆潺潺不盈尺何以勝方壚繫纜一歎息我
命良艱虞不謂行路中復此多崎嶇所賴黃頭郎跣足爭號
呼邪許竟何益欲進仍趨起天寒苦厲揭或恐傷肌膚坎止
亦有分請爲待斯須楚天方陰露積露增籛籛儻幸夜雨驟
決溜鳴長渠朝來溪水活一葦從所如
長年報新晴天晴水更落別換蜻蛉舟尚苦礙浮泊僕人勸

陸行肩輿度林壑從以斑斑車捆載雜囊橐書笈與筠籃提
攜亦紛若前道兩騎奴觀者頗貽愕幾如搬薑鼠或類營巢
雀辭家更移家相視一嗷喙

久爲別鄉人喜見故鄉勝我邊潛江行江堤忽南亘堤旁得
農村午雞遠相應竹中八九家茆茨各幽靚秔稻豐已收麥
苗潤方迸烏犍亦安閑寢訛適天性何知練雀來犄犄互爭
競地僻天機深宅幽塵事屏崽子頗好事見我儼生敬投以
大谷梨乞茗報相稱

桓公鎮荆南感此垂楊覆手植皆十圍依依使心疚憶子辭
京華落葉盈井甃何爲漢江濱疎翠尚如舊江斐儻念我蕭
晨歷楚岫恐增搖落悲畱此慰邂逅或因楚雨滋兼以江波
漱托根得地殊藁藁竟異候攀條忽泣然物理奚足究但取

清蔭疎隨風拂衿袖

憶我去家時新月初上弦盈盈照執手皎皎窺離筵辭家家

漸遠月尚隨行驪楚江半旬雨疑月霧雲烟豈知碧漢路依

舊如鈎懸長庚亦吐曜清夜相回旋我家竟何處一別分江

天見月不見家月見應悽然家人八月愛見佛說入月對此

嗟幽妍下堦定祝月照我游黔滇更將我比月永望澄暉圓

昌黎謫潮州心折子厚賢劇喜流竄路十日同被眠況今我

與君萬里從南遷朝行飽麤飯晚泊栖寒氊出處勗大義非

獨憐夔虻孤舟更清曠稍稍開陳編杜韓及蘇集夙昔經丹

鉛三公我所師萬古星杓懸仰思接警其言

偶感激如聽雍門絃師友此已足何事羈愁之

漸臺行

漸臺下王出遊漸臺上夫人留江波忽涌臺欲折使者馳來
少符節宮人舊約詎敢忘肯以倉皇求苟活噫吁嘻夫人雖
死真如生清操直等清江清宋宮火楚臺水貞姜伯姬兩相
似惜哉未入春秋史

鐵女祠行

唐時有孫姓者業冶以非罪獲重辟將刑其二女痛
父寃投爐而死亡化爲鐵人有司以聞乃釋其父並賜
祀以旌之

似鐵非鐵容模餽似血非血形焦枯迫而視之乃兩姝灼爛
靡有完肌膚當時痛父嬰刑誅九閻虎豹誰能呼以死殉父
明父辜騰騰烈燄方歆噓連衽一擲輕鎔銖下飲鐵汁如醜
翻冶神驚爆爭趨扶肉耶骨耶知有無鐵心鼓鐵成鐵軀躍

治宛爾凝雙趺旋活死父驚鄉巫嗟哉剛烈鐵不如後世重
與鑄金俱

樂戶行

張獻忠破荊州召惠府樂戶行酒內有瓊枝者弗從
賊怒縛以飼犬同時有曼仙者乘間置毒於酒以進
獻忠昵之令先飲一飲而斃獻忠始覺竝磔之今有
冢在南門外

樂戶侑酒不侑賊當筵豈畏鋒鋌逼嚮之與犬不忍食誰知
忍死計更長一卮欲爛凶渠腸惜哉先飲身先亾兩人異死
心則一漸離海青此其匹罵賊醜賊各出奇一死能令賊股
栗瓊枝品與瓊瑤同曼仙仙俠真英雄何當立廟圖其容靈
旗風雨來高空吁嗟乎何人乞命西王府孤墳視此兩樂戶

獻忠破荊州
自稱西王

宋玉宅二首

蘭臺舊宅傍江濱誰識當時諷諫文夢澤旌旗深夜火陽臺
風雨暮天雲賦成好色規傾國受得微辭冀寤君賴有渚宮
故事在牆東城北溯遺聞
登山臨水正蕭晨悵望千秋灑淚頻洵有才華開庾信誰知
風義接靈均西堂感夜人何處南浦招魂迹已湮聞說歸州
餘井曰傳芭併欲薦芳蘋

白沙市放船至虎渡口次升之韻

浩蕩驚如許蒼茫喚奈何地形連楚蜀水道別江沱荻岸蕭
蕭雪鷗沙淅淅波白雲望更遠悽斷橋林多
孱陵侯廟

陰廊白晝呼鵝鷓苔衣石馬風颺颺孱陵祀此紛兜鍪周郎
已歿子敬逝君也繼起當軍籌白衣搖櫓吾不取失計斷在
圖荊州左將軍昔住油口本以重地資扞扼奸雄臨書忽落
筆實懼併力申同仇後來乘間定巴蜀形勢稍稍分曹劉前
將軍復向襄漢雷雨快決樊江舟阿瞞瑟縮欲鼠竄靖境盡
遣張徐儔此猶兩虎各死鬪可乘其敝生長謀擣虛搯吭古
有訓攻所不備真何憂渡淮應先舉青兗輕騎北畧平并幽
河山坐致天下半後迫鄴郡搃其喉剗除漢賊尊漢室蜀且
備位陳瑛球何爲大計不出此矣以唇齒生猜尤紫髯孝廉
識已誤富陂贊畫彌謬悠八穴取子詎應爾僅得南郡如浮
漚卒使當塗固磐石遂盜天命誇岐周東吳稱藩亦北面臣
服仍等南昌侯都亭獨出候魏使建武涕泗隨交流伯符若
在定不許謀國竊爲君臣羞古城雖存壁壘失飛騰戰伐空
千秋生平流宕好奇偉論世輒欲懷嘉猷迺知失策自古恨
狂歌斫地澆新筍

至滙口聞鴈

水驛三千里烟鴻一兩行可憐風雨夕送我到瀟湘

公安雨泊

楚江渺渺罨層雲戍鼓無聲夜欲分帆脚西風篷背雨蕭條
併向枕函聞

夜泊洞庭湖口聞笛寄懷江于九司馬程荆南明府

夢湘

楚江十月南行客五兩高帆挂空碧積靄遙經石首山疎楊
不辨孱陵驛古驛蕭條三戶餘楓林橘社度重湖空洲潦盡

魚龍徙極浦霜高鶴鶴呼此時弭節真蕉萃柁樓晚飯漁商
市未捐芳佩弔湘娥卻睇幽篁惜山鬼傷心蹤跡狎鳧鷖更
載雲旗事遠游金沙鐵壁人難到埃火軍書戰未收揚舡日
暮方憑眺忽聽篷聲激清峭更深雨止月微明長笛中流聞
楚調楚調吳歛相間生似訴辭家去國情東華昔夢風中結
南浦新愁曲裏縈昔夢新愁如匪澣擬向知心寫淒惋逢人
問訊合江亭荆南時在清泉朱陵承水郵籤遠亦有醴陵解恨人聽
雨瀟湘剪燭頻于九有瀟湘聽雨錄苦竹黃蘆途更永荷衣蕙帶意難
申娟娟烟水佳人隔臨風騁望雙飛翼紅蘭碧杜漸凋零欲
寄馨香終歎息涉江何處託微辭七澤茫茫唱竹枝折麻爲
報離居意搖落天涯有鬢絲

烟雨

烟雨層巒翠波濤亂石殷誰知一綫路卻出兩崖間野艇隨
風泊荆扉盡日關候人休問訊身已似魚蠻

曉望滄浪水

滄浪水清見底欵乃一聲楚烟裏行吟無人山月低漁火曉
寒生竹扉

鴈

旅雁辭燕塞隨人過楚都思歸仍慘淡欲別尚號呼未惜烟
波遠終悲節候殊烟江墮清月今夜益驕孤

將至桃源書淵明集後

夙愛桃源圖屢讀桃源記頗笑後賢作疑信等蜩沸自來真
逸流山水曠高寄一聞塵外區結念厯夢寐未須論有無先
與託文字何況柴桑翁身丁典午季折腰固不堪乞食更非

計久懷荷蓀徒畫扇見神契偶傳武陵谿風土信幽異雞犬各自如妻子未爲累悠然寫其人聊以詔塵世裹糧必問津遐想母乃滯我今來沅南溪山悉姝麗寒水澄綠波層巒倒空翠人家楓竹林卽此可終憩安得花紅時一鼓漁郎柁

聞笳

遠火江船泊哀笳楚戍懸灘高聲易亂風急響頻傳猿狖吟難穩魚龍聽不眠明朝烟霧裏餞我更悽然

換船上灘有作

又向麻陽喚小舸驚聞七十二灘遙連谿淨綠濃於染雜樹浮青晚未凋樵路懸崖埋雨雪戍樓架木傍雲霄便充水手應無媿身是吳兒解弄潮

泊桃源縣

寒江無月水雲昏山縣淒涼只似村仙犬不鳴燈火靜行人今夜泊桃源

自綠蘿溪過新湘水石奔峭爲入灘之始

沅江本北流扁舟乃南向我過花源西江色已殊狀頗聞綠蘿陰新雨起寒漲潺潺逼山來清緊不流宕尚喜雲嶂平間以烟墟曠長年指示我去路隘而妨名灘七十二灘灘駕高浪此灘方首程母爲遠惆悵

山夾水而蟠水薄山而走山水互奔迫怒流遂噴漱不謂雪灘舟人能與水鬪奮臂或孤撐翻身忽全仆眼花落水眠恐與巨石湊生平得未曾見此頗眩矜何暇遡桃林一向漁父扣

過甕子洞遂抵倒水巖皆水石奇絕處

湍水從南來銳石忽右拒去聲水爲石所搏奔流更東注豈知

限坡陀欲走不得去回旋蹴浪花蓄勢作馳騫偉哉甕子灘

灘勢實最鉅何爲一葉舟竟往殺其怒舟水相撞春進退屢

淫豫乘間突而前能事詫徑度我身本窮薄履險亦何怖

大石如覆舟小石如斷日其色侔豬肝其狀肖熊首其積累

重甌其裂豁破缶譎詭非一形爭出扼溪口三石更頽然永

結烟霞友面面勻丹青疎疎蔭篁柳水經注三石間鼎足均峙秀若削成其側茂竹

便娟臨空露竅穴大小靡不有俾受篙師篙真宰信非偶

過巖望漁仙寺

眺遍十二峯峯峯翠如沐倒水巖十二峯有赤霞嶂仙蛻巖諸勝山形稍欲平

忽見檣竿矗四五麻陽船相次泊林麓上開數椽地地蓋數

間屋屋前種芸薑屋後翳筍竹婦女各忻然雞犬散樵牧層

崖最高處亦放兩轂棘微聞漁仙寺疎磬落幽谷此鄉捕魚

人朝夕飲寒綠起居在雲烟豈俟駕鸞鵠一笑十種仙何爲

墮六欲

穿石灘

孤峯碧筍如獨出秀無比峇巖數十丈直下插江底風濤所

磨擺赤立淨泥滓何由竅其中了了見彼此其南若堂皇其

北圓若晷隔石兩相望過者駭觀止得毋儵忽逢於此縱神

技惟有僧結圖僧結圖蒙古謂玲瓏山也在水蘭圍場中峭壁高懸中通一穴玲瓏畧相似

茲石類高人中虛豁石髓亭亭俯清流終古絕依倚石丈洵

可師我將肅拜跪

虎子磯

曉行虎子磯磯流忽震掉上有穿雲壁壁勢削奇矯頗聞怒

漲時百丈浸浩淼至今山腹間屢見沙痕繞斗絕臨飛湍悲
鳴極猿鳥何年斲石骨微徑出林杪劣餘二分垂窄比一線
遶戩師稍失腳已被蛟鱔飽橫空巨鐵繩稍藉扶指爪哀哉
性命危造次安得保扁舟逗其間氣奪爲悽悄嶮巖誰所開
負嶠角奇峭我無冠古才敢與繪天巧頰首謝山神已被君
壓倒

明月巖

江山更助我詩情忽而縱巖如圓月圓臨江待賓送單椒秀
獨出旁嶺敢伯仲儼然柱石姿圭冕領侍從蒼蒼兩崖間橫
石狀蟠螭中有餐霞人往來課梵誦悵望仙靈都茂由躡飛
鞚懸知烟霄清縹緲下鸞鳳

雷回灘

船尾一枝柁船唇兩行槳篷間帆六幅岸上繩百丈兼以青
竹篙五物俱可仗舟子四五人取舍各有當忽聞雷回灘風
霆戛潏潏家具竟齊施賈勇互下上叫呀張口吻指點鼓手
掌手口偶未及色授得其象乍駭紛亂麻諦視鮮鹵莽分持
仍併力一氣謝心想昔聞庖解牛惠施得所養今以悟吾詩
勞歌激慨慷

自大勇溪至清浪灘長四十里上有馬伏波祠

天公欲游戲駭此遠行客截彼浮雲根擲爲撻水石高者轟
尋餘倭髻亦數尺大或徑連畝小乃展片席摺疊類衣裾剡
銳等圭壁行次別堂斧合離成蜀嶧統統三門開浩浩九達
闢橫磨十萬劍一一與水敵水跌忽成窪急起復相射幻師
作幻技信手妙搏埴持以恐詩魂且洗見聞窄毛髮森欲寒

扣舷三嘆息

嘆息尚未終入眼益奇變洶洶清浪灘灘濶勢轉悍水急風旋生廿里激雷徧寸步須千篙十夫助一絳浪花併怒飛直前搏人面側聞馬伏波於此下蠻甸至今古祠留時有行客薦將軍西川豪氣冠雲臺彥中興效馳驅垂老歷轉戰如何惹苒讒千古共悲歎英靈倘未徂乘此洩憤懣我亦從軍人嗚呼淚如霰

北斗灘

挂席來南斗空桐望已遙誰知蠻峒路猶得見璇杓

過灘夜泊晴見微月

過灘方五里日暮遂栖泊稍喜灘勢平尚畏灘聲惡如風復如潮如雨更如雹客耳雖喧闐客心轉寂寞何期三五月偶

破寒雲薄娟娟瞰篷窗向我枕簟落我宿水月間塵夢何由著

昔者

昔者讀山鬼其音哀以悽冥冥青楓晚噉噉青猿啼蕭蕭風雨急公子來何遲竊歎放逐臣激楚纏心脾茲行楚南境不謂親見之扁舟掠山來山雲日弄姿如人欲隕淚障袂銜其悲清晨雲忽合密雨何淋漓窮山晚仍晦咫尺蒙烟霏黃蒿與苦竹蠹沓荒江湄怪鳥不知名叫嘯同歔唏遙聞芝灘水嗚咽通巫溪此中信幽渺孤客魂已迷應有含睇人要我申然疑手持女蘿帶窈窕陳微詞

風雨過橫石灘

水逆信可憂風順或稍快詎知風水遭色變眾所戒風高揚

其威水怒扼其隘兩雄不相能一葉轉生礙春撞屢難前簸
蕩良已太頗恐失秋毫觸石致厲夫狂風更挾雨烟霧晝冥
晦誰料千萬山竟作雲海漚茫茫吾安之舉目盡荒怪未敢
叫天闔揮淚滴飛瀨

北風

地越南嶽南火維寔荒幻萬彙眩青紅烟雨亂昏旦頃冥所
未經誰敢下霜霰今宵北風來送寒過江甸上與竹樹塵下
與水石戰排空自叫號短檝屢回顛稍欣擁被溫終惜重裘
綻客路誰裝綿默數慈母線

沙昏灘

一日過數灘灘灘獻奇警一灘巨數峯峯峯露妍靚峯根干
萬石作態互馳騁其餘沒中流浮沈類蛙蠅不知水落時巧
怪復何等況此沙昏灘濃綠鬱千頃宛疑青琉璃倒漾翡翠
影洲曲山更幽杳杳接欬聲篙聲如琴絃答響亦清迴惜哉
住谿蠻妙意誰能省何當誅香茆暫此適閑靜

辛女巖

石壁數里遙如屏插激灩青冥不可梯疇能躡崖片排空出
洞府厥狀大且儼剝蝕無軒楹橫斜剩楣檻疊疊弄筍箱疎
疎露船艦或云仙者都長物駭奇覽或云武鄉侯餘糧此藏
斂圖經已錯迕流傳更黠黠吾聞四裔濱悽怪氣所感半爲
魑魅居出沒在坎窞鑄鼎象其奸牡犇絕其險先王用牖民
不使夔兩掩何迺熒見聞誇客屢指點差愛下巖泉色白沸
沈濫水品如可詳吾將溯鴻漸

沅陵

沅陵控六省來往稱通衢頻年籌邊徼絡繹馳軍符常恐勤
父老供億荒耘鉏茲來見二麥愛此青扶疎農人言昨者勁
旅來京都騰驤四千名勇趨如彪龜衣裘逮弓箭傳送資車
徒每車坐兩兵挾一僦從俱無車以馬代三馬抵一與無馬
以夫代五夫抵一駒二百名一起接踵來徐徐蟬聯逾兩月
竣事歸田廬時維值夏令陰雨膠泥塗趨事庶人義遑敢辭
其劬況賴聖恩厚給直清銷銖薄田雖不治亦足贍妻
孥今秋京兵歸取道由溪湖更鮮調發慮比戶增忻愉收稻
積高廩治圃豐嘉蔬終歲諒溫飽執役真區區爲吾告父老
努力勤菑畚用兵不知兵自古良所無

泊沅陵城外長橋蓋卽雷滿所鑿塹也

楊柳歌詞送郵傳輅車已抵金祥殿蠅聲紫色屬午溝從此
羣雄角爭戰文身斷髮勇絕倫擊鮮醜酒何嶙峋澤中大獵
置伍長吹笙王子何能馴廣陵歸來剌剌史請命于唐稱節
使杜洪成汭兩燼灰輕舟攻劫窮江汜楚南形勝連洞庭鑿
開水府增池亭裸衣擲器自閑暇出沒未畏蛟龍獰千丈飛
橋作虹挂土團蠻士今何在南平兵後霸圖空萬堞參差遠
如畫

望善卷洞

仙人墓何在空翠九峯閒忽憶洮湖雪曾經離墨山宜興有善卷洞

丁卯予于雪中過之

泊辰谿城下

孤城睥睨臨層嶂人家雞犬綠雲上下瞰澄潭綠於釀寒江
舖前天下稀碧雲如水生微颺灑我白髮寒絲絲竹林浮烟

山欲兩隔岸哀笳落孤戍驚起沙禽拂帆去

大酉觀

我經辰谿陽城堞排山椒其南大酉觀隔水凌嶢嶢翱翔祀
羣帝秩禮殷宗祧恭聞洞天内祕簡垂黃姚六丁守雷電五
緯臨雲霄南方赤燦怒絳節時來朝弇山羣玉府媿此同兒
曹嗚呼三古邃元命空符苞左神靈威護汲冢不平準淆寶
書百二國存者俾瓊瑤矧乃子姒前墳索誰能操傳經在經
世何意藏苗獠我將夜簪筆炷香禮璇杓願啓蝌蚪文永配
圖書標逢逢伐鐘鼓大酉洞旁有鐘鼓洞萬禩開聾昭薄遊志未遂側
望心悵勞

寄吳泉之兼憶沖之

佩刀長揖出都亭惜別知君眼倍青客路山曾經二酉舊遊

人最憶雙丁孤舟盡日逢寒雨歸夢兼旬託使星爲報楚江
搖落後蘅蘭猶未墜芳馨

白沙灘曉行見溪山出雲作

聽雨更聽風看山復看水楚南十日行觀妙歎止矣豈識白
沙灘雲容更如此山雲宛佚女巾裹隨所使一重復一掩窺
簾偶徒倚溪雲擅凌波濛濛曉方起動影沖澗間半入青鸞
尾層雲忽相遭作態照清泚依然尹與邢隱約鏡奩裏不知
巫山陽持較復何似誰攜芳華詞贈彼嬋娟子

鷓鴣灘

前過鷓鴣砦今歷鷓鴣灘傳聞千點墨屢爲行旅艱茲晨何
瀟灑出沒依澄瀾共眠翼戢戢偶立紋斑斑扁舟掠其吻翹
足殊悠閑此鳥或似我樂志耽溪山不鳴亦不飛雲路忘騰

騫舟人笑相謂幸此臨清湍前有黃獅怒掉尾方纒阮

黃獅洞灘

我來黃獅灘不見怒蹴踏溪聲如廣長俛首聽說法

夢升之

小舫參差似鴈羣清宵語笑定相聞夢魂尚恨篷窗隔愛傍
殘燈更夢君

曉雪

我昔在興安八月雪霑浥隨風凝行帳冰棱不得襲頗怪鏡
天峯眩作玉筍立今時仲冬中六花何未及夢回聞篷聲似
雨轉悽急榜人凍相語微霰詫先集雜以霰霖飛烟靄巨原
隰吹面生餘寒拂袖泣微濕浩歌下危灘蛟龍快全蟄

漢水灘

灘奇雨亦奇見客輒交射每距數里遙氣象已可怕昨驚連
珠險灘名漢水亦其亞未到先薄人作色變鳴啞殷春霆轟
浩浩高浪駕助以陰霧霾晦昧竟疑夜石角怒而前排杲欲
爭霸舟水互塘衝失勢忽一瀉榜人稍惘惶我命何其暇出
奇遂出險椽纜向桑柘回首嵐霧濃風濤尚凌藉連溪斑竹
叢冥冥叫山鷓

行黔陽道中望諸山積雪

楚黔地絡陽三冬罕積雪昨者落旋消曉來復蕭屑入午勢
纔停舉日皓已潔不知萬層山玉屏忽齊列有時露蒼嵐白
雲補其缺雲雪杳莫分界天竝巖業穹崖稍難畱微痕象環
玦人家殘雪中戶牖半明滅夕陽落孤舟松竹更清徹一轉
又一奇可攬不可說龍公借玉戲萬里慰此別喚買拋青春

酒名推篷賞幽絕

玉樹灣二十餘里石皆瓏玲離立吾鄉湖嵌殆不足數也

五日畫一水十日畫一石挂我高齋間觀者歎神蹟詎知一日間千萬飽奇癖林林立寒溪不作獅象擲谿渾雕鏤宛轉擢筋脈偶同簾筍穿忽比鼎耳圻何年仙人橋凌虛更無跡得非修月斧斲此渡溪客我家近太湖雲根等圭壁香山偶載歸已足示高格況茲廿里餘家家倚青壁臨江風露寒入夜烟霜積翛然山澤癯豈肯近研席應有金華兒牧羊共昕夕

謁昭靈祠

寥落芷江地三閩有舊祠蘿衣山鬼笑蘭藉楚人悲風雨頽

蓀壁烟波載桂旗千秋懷石意未許賈生知

宗國餘三族羈臣歷九年抽思還婢直惜誦屢屯遭枉渚辰陽隔修門郢路懸牢愁無可畔決絕在沈淵

地已亾丹浙兵仍絕武關怒齊空失助走趙竟無還太息龍門遠誰知葦路難夷陵烽火日想像淚痕潛

渺志追三古芳菲姱節彰肯同桑扈裸尚鄙接輿狂鸞鳳爭承駕虹霓使作梁欲知耿介性世譜接高陽

蘭杜凋中沚莓苔上步欄靈祠三楚遍遺像百蠻瞻魂魄巫陽召生平太卜占先民如可作風義激頑廉

慘淡逢辰缺蒼涼遡甲朝修能宗聖哲文采啓風騷天遠寧難問魂歸豈用招從來蕉萃客雪涕薦申椒

七里灘

看南宮集卷一
三
茆屋杉籬不見門數椽殘雪印鞦痕半溪斜日孤簷捲時有
漁人歸竹村

曉晴

稍喜晴光霽仍愁霧氣濃寒溪千百折遠障兩三重水急多
魚步山深有鹿蹤松杉青似沐誰信是嚴冬

復雨

雪晴雨未晴沈沈下穹碧欲將萬斛珠洗此千山白雪瀑與
雪同飛流界苔石懸知沉江波今夜漲盈尺岸旁千籜筵閉
此漁人宅惟聞楓香林日暮響格磔前呼不如歸後語行不
得我行日方長欲歸豈敢憶自分愧溪禽故山栖倦翮停燈
灑連絲共向烟篷滴

日暮過大遲灘

灘自便水驛節節森坡陀小遲與大遲狼石尤嵯峨一石逼
一浪一浪盤一渦千渦浪所聚鬱屈噴長波水底更列石急
溜無由過全江壅而上快瀉龍騰梭舟人理竹索逆挽肩相
摩百丈繫百指彼此通招訶誰知風霆震欲語聲先訛溪迴
水雲黑後艇方蹉跎中流繚忽礙挂石如藤蘿幸有肉飛仙
水百凌龍鼉兩舟卒竝濟佇立瞻層阿一燈誰家屋歲晏方
婆娑

夜聞灘聲奇詭可怖詩以狀之

灘聲欲挾羈人夢萬竅刁調浩呼洶石林夜幽神鬼衆土伯
山魃率其從一足靈夔嘯且踊赤豹文狸互鬪鬩譁譁出出
聚蠻峒偷使陰雷劇簸弄勢挾千巖各飛動挾之不得折而
趨尻輪一駕風雲俱九地忽裂聲鳴鳴

舟泊晃州驛

經月方辭楚乘風欲屈黔已添帆腹飽并免石棱尖野市柑
初賣蠻鄉酒更甜詩成百廿首勝事我能兼

三汊灘雨

三汊灘前一尺雨濕到篷根印衣屨比似春寒寒更苦楓篁
月黑猿交語

舟至玉屏

性命真悲一髮輕寒灘日日鬪崢嶸人從激箭流中坐船在
崩崖罅裏行喜見杉筠圍野邏愁聽風雨走山精驚魂才定
輿人報前路千峯劍戟橫時將陸行

水驛

水驛龍塘北人烟雉堞西呼船村度近北門外有平溪渡編竹客廬

低邑小當三楚灘高挾九溪

宛溪焦溪梅溪松溪牙溪勇溪鐵溪小田溪白水溪謂九溪皆

從鎮陽江達於沅水前宵未殘雪隱與玉屏齊

泊舟玉屏北郭

灑水沅江道路紆又經北郭檣征艫休嗟流落同商婦自笑
稽留類賈胡短燭孤舟風浪湧亂山殘雪歲華徂故人恰惠
衡陽酒同年戴君涵令於此稍潤詩腸幾日枯

書所見

一畝誰家築考槃雪時景物未凋殘芭蕉滴翠楫欄綠偏與
松杉伴歲寒

沿平溪過天生橋西行

長溪蜿蜒乖龍蟠古路犖确修蛇斑路緣溪行互曲折忽見
橋影搖澄瀾獅王象主皆峯名共相屬中有人烟隔櫺竹失喜

寒溪滑笏平一角雲嵐浸寒淥
嚴關呀然忽西折古路低盤如入穴
羊腸一線凹且凸寬尺有咫亂
鼓樾山色陰沈鑄積鐵飛泉灑
道泥活活輿夫十步九恐跌道
欹欲卸石半裂板薄如紙補其
缺行人俛眎魂駭絕萬仞崩崖
萬疊雲萬道轟流萬條雪

栗子冲曉行

月黑山霧高舉手不見掌出門纔數武亂石密於網半里四五盤一盤六七上微路緣山腰著腳僅容兩肩輿已凌空天風尚簸蕩俯臨萬仞谿下有麻陽舫篷燈細如螢人語難髣髴惟聞灌莽中輓雷激泉響

黔陽兩月雨飛瀑弩發機昨日雪亦銷界道噴冰澌豈堪一綫路攬此三尺泥土膏如炙輓石滑如累棊前者把火照繼以明燈隨猶恐臥虎怒中宵蹋其頤有目不得見何由測嶮巖忽聞天雞唱矯首呼晨曦

抵鎮遠寓舍臨溪水榭彷彿秦淮因題三絕句兼寄子才蘅川兩君

翠箔紅欄敞水亭人烟客舫聚寒汀分明丁字簾前路添得青山作畫屏

殘冬節候峭寒天初月雲中影尚偏行客莫嫌箏篴少溪聲終夜弄冰絃

袁虎詩才老更蒼通明高逸似柴桑誰知江左文章客獨上吟鞍過夜郎

游中河山入青龍洞還過中山寺觀太和洞四十四

韻

臨溪忽擢芙蓉朶聞有兩洞長而墮日暮清游約竟果青龍

衙衙在其左鈎梯半似右師跋石髮陰森垂鬚鬢瘦竹長松

亦婀娜穹巖下垂冕旒綵構屋堅牢絕搖簸對眎山城分射

塚膠轄民廊穴螺贏檣竿百尺不及髀香爐之石峙磊砢香爐

山在中河山側峙立清漪上豐下削宛若香爐北扣中山禪闔鎖殘僧出迎口先哆

導我入洞礙裾袂房然忽登萬斛舸東西九筵平不頗其白

晶晶帶珮瑤其黑斑斑贅瘕蠡如雲聚族如葉裹如筍抽萌

如箭筈旁寄二穴竝破硤暗泉交滴串珠顆小池規月承其

墮中供聞思菩薩埵妙香晚寂幡影躡倚廊短褐沒塵堞刻

落欲讀命炬火感歎遺詩良帖安洞內有臺使任國西臺御

史丁坎珂巡覽周黎痛勞痺留取丹心照裳裸激揚風義誰

則那晦翁遺祠在山邏

嘉靖九年知府黃啓英有紫陽書院碑言於是山建書院設學田且以祠

奉朱子今遺跡俱不可考矣

所惜遺蹤蔓瓜菰學舍書田誰負荷空剩花

龕留梵坐黔山如此森岬唾朗人秀士出應夥敢告有司起

庸懦亟啓臯比論卿軻洞比鹿洞無不可

文德關

兩崖雲樹交百丈旌竿直詆蕩關門開大書表文德我聞九

股苗處此實云逼其人悉狼貪其技甚鼠即往往弄潢池窮

年費搜殛殺氣之所鍾箐林至今黑邇者聲教敷媿徒樂生

息羣知 國憲尊胥奉長官職嚴關空崢嶸戍邏出遙碧霜

風卷哀笳清曉壯行色我願揭此名移向蒲甘勒庶幾烏帟

墟萬古洗兵草

相見坡

前坡行客忽招手後坡行客竟開口兩坡相望尋丈餘豈識
千盤越岡阜天梯萬級凌巘岼下視深谷何斑斑寸人豆馬
杳莫數望我應在層霄間一迥一折屢隱現直上峯巔總相
見安得京華亦似此日與家人覲顏面

昇輿甚險偶爲短歌

下山走阪丸上山逆水船下用四夫夾上用四夫牽長繩繫
版當胸穿昇者四耦相回旋二十四足爭後先如魚逐隊蠟
附羶如羊倒挂禽齊騫尋橦之戲將毋然輿聲格磔鳴秋烟
吾身托輿輿托肩肩上竿木組以緣腳底細路欹而偏俯視
何啻千仞萬仞懸中有千石萬石森戈鋌

斗狼箐道中遇雨

雨颯颯風淒淒據于石需于泥一轉復一折一高更一低轉
折安可極高低數千尺上山臥肩脊下山驚魂魄怪樹如龍
擘巾憤怨鳥嘯空杳無迹萬仞穹崖危已坼半嶺飛泉碎璣
壁濯莽青黃濕烟積足底千峯那可識雲海蒼茫界天白

飛雲巖

飛雲之巖雲所宮欲飛不飛留奇蹤雲老化石與石同如鍾
乳乃寒泉鍾如星光霄成碯磴千朶萬朶攢一峯竅然石屋
敞且崇垂天之勢何逢逢凡雲所載類以從之而鱗鬣蟠應
龍櫂角戢戢眠雨工光音天人瓔珞重紫猊寶座青芙蓉繡
幡華鬘花丰茸獐獅香象拳毛鬣兜羅綿現舒晴空亦有仙
叟方雙瞳手持絳節朝樊桐鶴翎鸞羽隨靈靄璫華芝草翻
靈風石上刻殊形異狀紛玲瓏一一菴以雲空濛左折兩洞
咸龍窅一洞如丁架棟隆涓流下注鏘珩琮一洞杳黝不可

窮云是夏秋水所宗右轉石筍攬崆峒有石扣之應笙鏞笙鏞

從尚書鄭義前聳三石蹲熊熊構亭其首延青紅亭上合十南詢

童稽首觀行超圓通巖切高閣以奉觀自在對繞巖合杏杉

枏松瀑布一道噴長虹是日雨霽陰霏蒙羣山杳靄迴高穹

擬排兩翮騫高狎登輿三里東坡東尚有雲氣摩心胸

巖畔見梅花

香從冰雪境中聞玉蕊疎花已吐芬開向華嚴樓閣裏不須

同夢憶梨雲

黃平州道中

隔嶺殘陽雪已晞風迴石竇約雲衣人家漸有初春意翠鳥

嘯烟竹半扉

沙際春歸草甲開尖於韭葉綠於苔可憐未作褰腰樣已費

江郎賦別才

家家修竹當門屏竹裏茅堂對石汀六枳籬中蔬圃綠矮牕

都傍碧瓏玲

小小肩輿短幕遮一蒲團地足趺跏夢回忽見寒山月空翠

如烟濕碧紗

游雲溪洞

昨登飛雲巖如入華嚴閣萬疊香雲華蓋雲隨風作態巖前

落今來雲溪洞如入脩羅宮天魔衆擊大海浪手遮日月摩

蒼穹高十餘丈摩然垂其袤兩倍深四之沙石犖确流寒澌

洞復有洞千萬姿其左洞二黑如夜杳不見底寒氣射疑有

肥蠶此中舍其右洞一開門閱磬折而入通天光洞口冰柱

排明璫最後一洞深冥冥不見聲沸聞琮琤蒼時洞天傳道

經頗聞龍虎翔仙靈內藏鐘鼓鏘流鈴迴潭百畝如鑑平後
 出更見炊烟青人家修竹開林扁省志洞深二十餘里中有
 蒼龍白石鐘石鼓又潘
 淳游記云內一潭廣百畝晶瑩澄徹石壁間石穴僅可通人
 匍匐而入行未數武豁然雲開修竹茂林望人家炊烟上穿
 屋郵傳竊恐非真形我友好事幸勿聽况無列炬燒松明時
 之賈勇欲進余迴塗復上岑樓上石室嵯峨竝奇壯寒骨悽
 以無炬止之洞一名大風洞潘記云洞中時
 神不可畱恐激天風忽排蕩殿作雷聲少頃風起不減海中
 颺

過魚梁江新橋

亂山浮翠雨新晴徑轉蒼崖拔地生雪瀑三層綠石瀉虹梁
 百尺絕溪橫苔碕瀨急魚難上竹塢叢深鳥亂鳴我亦吳淞
 垂釣客何因閑坐聽琮琤

游牟珠洞

我經平伐司道過牟珠洞龕座荒鐘魚椒塗罨茅葑仰看石
 樓開遙見古佛供近前稍哈呀小折遂昏菅擁炬崽子先搯
 筇獠奴其地脈劃町哇山根界錯綜初陟呀短扉再窺豁斷
 甕三進豈及霑一綫僅餘縫忽拚袍袴汚悉解衣裘重首下
 尻敢高手揮目難送蟻穿曳朋儕魚貫綴僕從需泥震乃厲
 出窅笑成哄雲蒸熏饋餽泉滴凝乳湏久為兌澤鍾兼積夏
 雨凍土膏劇塗脂苔滑險躡凍危梯阻峻嶒仄徑峭橫縱錯
 趾愁凌兢捉臂憊引控進比蛇鬪鄭退等鷓過宋怪訝夸娥
 移秀逾仙客種千尋更陡落一柱恰當空轟然豎振闌儼爾
 直家弄迴聞波濤翻近覺震霆動得非應龍潛母乃巨鼇圍
 杳冥迷垠涯陰慘罨霧霏人傳水怪騰時向石牀狝未知張
 鱗鬣頗辨印跟踵神奸偶此潛出沒奚足恐夙慕澹臺雄差

晒昌黎慟惜未執燃犀曷由整飛鞚回途意未厭品石奇益
衆網攫臥罷熊珍髣舞鸞鳳詰曲挂蜿蜒橫斜巨蹄竦長如
瀑垂紳潔比月綴棟斑斑攄杏開纍纍橘柚貢三界所應有
萬彙靡不統猗與實神區歆矣侶蠻峒營魂駭眩掉耳目飢
鴻網幸藉靈蹟籙用寫羈忱壅天工富雕鐫人事愧恹惚稽
首辭空王登輿恍如夢

龍里道中微雪

天無三日晴地無三里平人言黔陬惡險滑難爲名誰知山
水好不畏崖路峭味如食諫果愈瀆乃愈妙所憂雲陰陰化
作霖淫淫飛流爭界道何由度危岑南來五日已不雨更
經旬放晴煦搔首叩天天不語竹外雪花颺輕絮

養龍坑行

蠻溪水立蠻雲徂衝風凍雨雷霆俱溪濱游牝忽觀止

用鄭箋

蠶屋墮地生神駒洪武年初入職貢其高九尺長丈餘六龍
法駕禮夕月如山不動行亨衢飛越峯名冠天廡學士作贊
中涓圖吾聞烏蒙之馬本卓絕番長寶貴千金須教馳有術
在孳乳先繫厥母臨崎嶇時其飢渴乃一縱決起直上蒼鷹
如更番迭試調習久蠶鼓鳥道行空虛軀幹雖小骨力健陟
險要與北馬殊邇者朱提阻聲教渡師洱海彰天誅黑雲
落鴈飛食肉思得神駿供馳驅川黔楚粵悉助騎雲錦絡繹
經巖隅潭中神物今豈無癡龍百萬睡未蘇何當鞭起蹴烟
霧太乙下沉苗矜區眼前突兀見此馬追風躡電三江趨縛
其渠帥登其俘嗚呼縛其渠帥登其俘千騎萬騎駁雕弧歌
陳天馬歸來乎

則天行抵普定令客長洲蔣秀才基來見言昔欲從學於
余而未果具道黔中洞壑甚詳且訂歸日同游之約
京洛搢笏得得來每逢巖壑劖蒼苔洞天清話君能解勝似
符家老秀才

十二月十五日夜月

鑿火蠻村夕風霜餞歲時六千經遠道三五值佳期雨久雲
歸緩山高月見遲遙憐香霧裏永夜倚簾帷

曉行巖石忽墮壓擔行李皆損

晨發傍山行橫空忽飛礮仰看巨石崩萬眾叫而愕隱轆摩
層崖所遇輒相搏氣劓千圍松聲走萬仞壑晴雷入九地餘
怒尚磅礴一卷偶飛來壓擔碎囊橐得非罡飈吹恐因積雨
落物理果茫昧警魂竟安託或云此欖槍光賈化碎礫左角

無復纏小醜行就縛聞語更听然解鞍且醅醕

白水巖瀑布

輿中作夢騎長鯨徑度香海游層城忽聞殷雷動萬壑到眼
乃是奔泉傾泉初夾山曲折行與石相搏成瑤瓊白水之白
因以名滙於巖上青苔凝澗於巖下碧玉平懸崖獨成無色
界一落百丈開空明怒者盤螭鱗甲橫飛者仙鷲翹修翎疾
者揭天桐鼓震徐者跪地游絲輕楊花萬點綴瑣闥珠顆百
串垂簾旌卷空如烟復如雨水面盡化雲英英隨風過溪灑
客袂游子目眩心神瑩黔山蜀獨尖而青涓涓淺瀨流石泐
詎若茲瀑能移情想當六月山雨驟素車白馬爭闐轟橋邊
獠狎數家住柈欄如轟搖檐楹拓窗正對一匹練川霞雪浪
四字刻窮其形安得賃屋依林垌解衣日臥松間亭對河有觀瀑亭

遙天欲雨陰霧生僕夫不催嚴程長歌擊竹出金石深潭
恐有蛟龍驚志稱巖下有怪物潛此

張詩雨中自老鷹巖至白沙驛三首

晨發花貢驛午屆老鷹巖巖高億萬丈于盤造其尖峻阪不
受足泥深滑如汔輿同垂藤損一綫梯空嵌石壁更橫出其
唇侈而弁天風恐吹墮俯仰心憂悒

苦雨已蕭騷層雲更靉靄無風圍圍升見說文引浩蕩眩銀

海不知下界中羣峯復何在奚奴咫尺間相望兩難逮我身

屈烟霄終難叩真宰何時得解駁金鷗露精彩入雲須出雲

輿人再厲乃

蠻樹寒不落蠻草冬仍花經旬洗霧雨紅翠如朝霞宛疑江
南路寒食芹初芽又疑迎梅候霧靄低鷗沙下有泉琮瑋旁

有石谿訝惜此清絕境淪落獠伶家豈無肥遯士編竹甘幽
遐連山杜鵑叫和我相歎嗟

松巖塘

淄淄寒泥滑稜稜石竇虛泉聲迴木棧雲氣擁籃輿村店三
家市蠻田二歲畚招提松翠裏未得聽鐘魚

驛旁梅花

蠻村臘尾東風早雪後溪山未枯槁石橋西畔見寒梅數樹
扶疎向蒼昊嵐深已覺暗香滋石瘦還憐春萼小細雨如珠
有淚垂濕雲似夢無人曉未逢晴旭趁黃蜂半帶朝霏唬翠
鳥先生京國打包來直泝湘沅擷芳草舉頭蒼翠亂楠櫛放
腳青黃蔓蘿葛邂逅何緣對佼人忽措病眼開幽抱吳趨春
信想銅坑斗轉參橫水雲渺畫舫籃輿日日停香林酒舍重

重繞都城九九尚銷寒唐花壓擔橫枝裊粉萼參差照碧瓷
銀燈迴合傾清醪兩地淒涼正憶君移根豈意來蠻獠仙衣
零落枳籬間幸格依然出塵表肯依池館鬪穠花自向溪泉
甘窈窕橫筵誰知怨寂寥簪巾我亦慚衰老停輿欲去更咨
嗟漫與新詩慰悽悄

下凌

非霧非霞還非霜如烟如雨空中颺著草著樹白於肪米綫
縷縷垂窳窳問之曰凌不可詳凌人伐凌垂經常似此蕭屑
何能藏在木爲介霧爲松方言偶爾異蠻硯九溪以南安瘴
重飛雪稀聞滕六送得之陰陽斂其用客程不畏薄寒中祇
喜農家歌飯饗

入滇南境

平彝縣宣威嶺上有萬里亭爲滇黔交界處

征鞍茸帽日駸駸羈客眞成萬里心山盡地還開赤埴冬殘
雪尚覆青林松針分綠齊鋪地梅蕊含香欲上簪莫歎長安
今更遠鬼方北望暮雲深

過青溪洞石狀之奇甲於諸洞入二里許以火盡旋
返導者云洞復有洞左右旁穿歷十餘里不能窮也
我乘龍蹻行狂游入山腹肺腑忽槎枒腧穴盡連屬造化枵
其中神靈實所族大之高以軒隘乃繚而曲怒垂雲萬縷倒
拔筍千束音同鐘鐻調狀肖裳裾感奇蹤吞八九勝踐漏五
六隸人倦執燧羈友勸迴躅誓裹十日糧盡探億仞谷再蘸
墨海濤大書紀巖麓

晚次白水驛聞宋瑞屏于前二日已過此矣不得相
見爲之悵然卻寄

來往千山路艱危萬里身同爲黔筑客不見雲溪人時命寧
終謬文章自有神蹇驢風雪裏歲暮莫酸辛風雪定不歸時
大雪過分水嶺

北風吹山馬欲倒雪雲不辨千峯縞誰信同亭爰瘴鄉新莽改祥
柯爲駝褐茸衫寒料峭未春已覺春苾苾六花遙帶梅花香
多羅海畔瓜皮艇行人愁問瀟湘景瀟湘江在南寧縣城外

馬龍州驛館曉雪

宵經多羅山不辨紅軍哨殘更詣驛亭始有松明照噉粥復
圍爐一睡失寒峭有如飲酒醺豈省村雞報稍聞小窗南西
風等噫嘯起來視苔砌雪竹亂旂蠹屋後木客箒山鏡天一
色縞絕景得未曾誰能見奇妙古來尋幽人蠟屐豈能到何
爲在行邁偏覺憂心繞乃知緣境移此識實顛倒一笑呼趣

塗吾將展遐眺

小除夕前至昆明馮觀察泰占光熊留宿齋中

十年結珮侍丑楓宸形影相隨是夙因公事紛繁憐我拙交
情款曲愛君真烽烟慷慨從軍日溝壑顛危出險身歲晚官
齋畱對榻喜心翻倒欲霑巾聞螺峯高丹碧層崖布入門肆
紫詰輝煌出微禁門元臣推轂領軍屯已擒貔虎分知天仗
直掃鯨鯢盡地垠三策自聞籌遠畧一宵暫得慰羈魂飄流
萬里猶堪仗到處提攜有弟昆聞趙雲松錢黃與堪悟欲叩

此方機微鐘出烟樹

自發京師相好者多言滇南炎熱飲酒易以致疾道
中屢欲絕之而不果既抵昆明馮泰占光熊戒余益

春融堂集卷十終身來去如臂屈伸本不足深計然良友諄

春融堂集卷十一
終謬文章自有神
蹇驢風雪裏
歲暮莫酸辛
人時命寧

大雪過分水嶺

北風吹山馬欲倒
雪雲不辨千峯縞
誰信同亭爰瘴鄉
改新
萬里餘里
其味難
宗詰
滿遠
十平
色綺
驚昔

春融堂集卷十一

青浦 王 昶 德甫

勞歌集 巳丑

過圓通寺

一身如孤雲
愛覓溪山去
忽聞螺峯高
丹碧層崖布
入門肆曠覽
拾磴信微步
仰睇補陀巖
青蒼掩朝曙
林鳥不知春
自與東風訴
孤亭憩納霞
萬象互奔赴
人家渺炊烟
江流隔宿霧
上有千株松
寒濤在雲路
二十五圓通
教體皆堪悟
欲叩此方機
微鐘出烟樹

自發京師相好者
多言滇南炎熱飲酒易以致疾道
中屢欲絕之而不果
既抵昆明馮泰占
戒余益
堅自分此身來去如臂屈伸
本不足深計然良友諄

復之言不可忘也乃和淵明止酒詩以自警

吾生如落花藩溷隨所止甚欲效東臯終老醉鄉裏豈知墮

百蠻家家食蘆子蘆子性辟瘴如檳榔苗香之屬滇人多食之良朋搖手戒麴蘖

慎勿喜此去千里山炎烟日夜起腐腸古所云引瘴實其理

不見劉元城生還自得已殷勤謝苦語吾病知免矣有酒縱

如澠不復望涯涘何須求鴉炙往問勞子祀

洛安寧州溫泉

在雲濤寺側

滇中多溫泉甚者等執熱此邦直南交火德易蒸泄妃丁兼

婦壬兩者會肩鑄真如大冶融不俟硃砂結流為山下泉與

世助芳潔我經萬仞山浴此一池雪解衣先盤礴小坐已澄

徹不知春何來盎盎浮歛穴漸同飲醇醪微溫散肢節塵污

豈待驅自與肌膚別吾性本無垢云何染緇涅茲猶麻姑搔

宿穢旋消滅歸來憩禪牀津梁轉疲茶欲誦功德水干偈何

處覓門前螳螂川自寫廣長舌

雲濤寺曉發

昨宵新浴歸竟擬躡飛鳳忽聞五更鐘吹斷游仙夢殘僧四

五人為客起禪誦了知非梵音已覺豁塵霧佛火曉未殘晨

光早先動起來罷盥漱稍稍集僣從出寺浴雲巖豁訝森古

洞乃識地氣靈應許神漿供所恨疥壁書斜行等嘲弄惟餘

荷澤詩壁間劉公素清妍尚堪諷朝陽雜紫翠林影亂鞭

鏗猶喜石淙泉潺湲遠相送

白崖懷古

朝經黎石關暮宿白崖口青蒼九龍山萬笏出堆阜覆釜復

崢嶸鳥道綴跟肘西為畢鉢羅洞窟劃甕缶南為毘雌江寒

壽激清劄此邦本巖疆白國垂已久誌始阿育王系出西海
後歷傳龍祐那姓自武鄉受四姓暨五部緣崖設城守郵聞
天寶年國事失樞紐邊臣妄開邊土馬詫騰蹂維時皮邏閣
六詔無與偶倔強等鹵承獷猾類柔藕猶然奉朝正交閭會
圭卣何期張虔陀牆茨最堪醜官邪當屋誅用以警九有仲
通權奸徒黨惡兆戎首懸軍出兩道謾擬誅貳負謝罪尚弗
容遂使鋌險走濮髻互煽動爨睽隨指喉萬牛供鬻災萬獲
恣行酒鐸鞘眠月瑩銅鼓殷雷吼惡氛漲南溟殺氣射北斗
眈眈虎在岵赫赫蛇蟠藪虛傳肉薄攻轉致飽毒手李宓復
繼之深入中詭誘時違嬰疾癘道遠乏糧袂責軍更殺將膏
血動杵臼至今骨已殘舊鬼恨未朽追思唐中葉蓋運迫陽
九國枋落外家雄孤綰相綬使節領劍南萬里託干振蒼涼

兵車行感慨杜陵叟旋令金蝦蟆虛無動蚴蟻郎當蜀棧間
至尊犯塵垢爲數生厲階始事在誰某蠻陬異函夏雜種如
夷狗羽干儻可懷撻伐非所取我欲書其事深刻類响嘍大

有馮碑蓋楊升庵
摹响嘍碑所刻

庶與殷鑒同諷誦待矇眊

洱海向多長風甚者至掣肩輿去輿夫每患之今晨

過下關

一名龍尾關

微風偶作無燦怒狀詩以紀之

南行度下關四山亂青碧點蒼中最高洱海復泐澹山水所
結蟠陰陽亦迸迫野老前致詞去路直穹壁焚輪每晝號侵
淫肆橫擊其聲駭波濤其力厲霹靂端可壓林莽詎止走瓦
礫從空掣行人快若颺飛鷁聞言彈指嗟噫氣何太劇黑雲
況頽天勢掩餘霞赤顏憂厄豐隆宵寐未安席朝來金烏升
土囊忽寥寂披襟獨冷然曾未動淺幣衡山陰可開海市怪

能覲我無古人才幸爲神靈惜稽首謝天公蠻氛苦未滌吹
律尚弗同何以靖鋒鏑所斬不鳴條長養被黍麥遙應南薰
絃解此甕牖威

寄謝經過途次諸君

單車南下逐飛鴻適館頻承授粲豐自分勞薪同賸客偏教
行李累羣公衰遲敢歎功名薄文采虛叨物望雄寄語江湖
東道主久將爭席任鄰翁

送張同知質齋

煥

歸永綏次升之韻

石交廿年餘同臭劇蕙蒞豈期流落地相遇近滇海意態仍
昂峨胸次足暑礮去夏被檄來從戎戒冑鎧功曹重常願從
事得呂凱陳詩賦溫其設誓勗敵乃行將逐槍擧取道出叻
唼緣塗踟籌篁佇敵夾鉞鐵寧憂南陬南山水限鬼磊師期

尚未徵春信入蓓蕾初候蟄始驚小住蟾再朏謂埃汗裸平
鏘功附鼎鼐君言鑒微誠所賴良朋美自從辭蒸湘彈指忽
經載色養已久睽浮榮何足采曉看雜卉紅回首想舞綵執
訊勢非遙懷親情更倍念君歸緒殷感我淚痕澆三冬序潛
移萬里信難逮登高望白雲下有子舍在軍諮媿無狀詎敢
叩真宰送君欲贈君援筆氣先餒懸知覲護幃火令值初改
入境父老歡迎門童稚待重展陔蘭圖更憶蜀中采

時君屬大邑令

仲松嵐作
墨蘭橫卷

過楊升庵先生故居

不信詞章士忠能叩九關呼號真有厲衰老尚難還客夢三
巴樹羈愁六詔山小桃紅欲染猶似杖痕斑

著譔多爲貴聲名愛更傳生徒稱六學文采播三宣俎豆知

何日先生祠未入祀典松篁不記年朝陽樓閣上獨照斷腸篇壁上書黃

夫人三春花柳一詩

送同年仲明府松嵐鶴慶回大邑任

豈料同年舊翻從異地親形容俱慘澹肝膽尚輪囷決勝楸枰在澆愁酒瓊頻及瓜聞有信西笑望峩岷

聞道松潘路將徵雜谷兵九司搜銳卒千里赴行營列帳炊

烟黑連山埃火明不逢班定遠何以息邊氓前以三雜谷土司兵頗驍悍將

移檄徵之副將軍廣庭阿公謂雜谷地寒緬甸炎熱水土不宜乃止

易羅池亭

噫氣決土囊喁吁振萬竅水輪應亦然迸激安可料大塊稍

遇隙逆上湧飛瀑臨水更見水動影自清妙亭亭青蘋底纍

纍仙璣繞明湖柳絮泉舉似儼相肖池方百畝寬未容一塵

到涵虛露玉沙聊許孤雲照春深尚清寒宛如積秋潦偶有

金尾魚時向空明掉日斜鳥雀散我來展遐眺其平比湘簟

其澹等雪編畧約界危亭無復魚師釣想當夜涼時缺月挂

蘿蔦波光動簾旌悽寂類仙嶠何人賞澄瀾來此獨倚櫂

將往騰越先寄雲松四首

瘴嶺千重絕域鄰騰身汗漫竟何因冰霜驛路回殘歲烽火

邊關託故人急難終憐青眼在窮交喜見白頭新中宵噩夢

心猶悸肺腑槎枒敢再陳

彈指前塵七載餘承明蹤跡駉蛩如得錢市酒挑燈酌乞米

朝餐竝屋居蒲褐空齋家更遠耘菘舊約計還虛阿奴碌碌

君須記只憶生平下澤車

鐵甲連雲戰未收毛錐何意雜兜鍪浮蹤約畧同齊贅假面

分明作楚優天入南溟窮鬼宿地過西漢盡神州小人有母
知同感望斷孤雲萬里愁

一麾出守歷蠻邦又向哀牢擁碧幢方寸久知生五嶽前籌

竟擬渡三江謂南大金江南得鶴鵝陣合將軍令雲松時從

達蓋龜象琛期屬國降時屢有緬甸乞降之信金印果堪求斗大深潭還

欲翦銀釘

渡潞江

蟻徑盤旋五十里自蒲縹至此直下山根若釜底蠻江西來

疾於矢太息吾行胡至此茲江發番蒙奔流掠騰衝潞江在

西番名哈拉烏蘇即禹貢之黑水其水自前藏東北哈拉騰

見流出東南入喀木界又東南流入怒夷界為怒江入雲南

大塘隘不滙海泊兼銀龍二江下經車里越擺古張機江考

為潞江怒江經芒市至木邦名查里江又經流入百車南荒獨與環

瀛通江間茆竹數家住黃果叢深塞道路云有祇神於此據

朝蒸炎烟暮毒霧瘴氣如虹亂花絮千峯層疊高刺天經時

不得春風風顛喚船江岸日似火行人下馬汗交墮

八灣曉起

瘴霧炎雲極望同蕭條破驛一鐙紅人行兩戒圖經外路入

三宣版籍中月暗深叢啼怪狖春回荒砌沸鳴蛩朝來慣送

疎疎雨已聽輕雷碾碧空

經高黎貢山蒙氏時封是山為南嶽上有磨盤嶺即

疾雷隱嶙南山陲猛雨曉霽收層霏舍輿振策不憚疲欲與

僮僕同艱危舉頭巒影高屣屨如蛇之路山腰欹旁伏猩狒

兼猶狸夔魍來往行人稀邇者吏卒初脩治稍闢榛莽刪菑

翳天梯石棧通陝三尺一級俾累棊駿馬行此旋倭遲十
 步五步鳴酸嘶萬千老樹擁幢摩腔枵腹裂攢秋落倒者臥
 地僵尻雕其根絡石縈縷絲蜜香花發香歲蕤貼雪一捻紅
 胭脂蜜香花如蠟梅貼雪則辛夷之屬也下藜密竹筆筭篋甘蕉葉大楸欄肥
 蒼藤翠蔦纏柯枝十里不見行天曦但聞颯沓吹寒颺蠻雲
 潑墨春淋漓猿公什伯相邀嬉嘯羣連臂聲嘍啾呼烟山鷓
 兼子規雜以怪鳥噫吁嘻酸螿如雨喧迴碣聽此忽覺哀纏
 脾雪山天際橫長眉爛漫眾皴兒童隨斲人三兩同蒙俱杉
 皮作屋圍檜籬茲山蒙段昔所私封比吳岳金天儀升柴瘞
 玉求蕃釐靈祀蕪沒迷荒基束鹿尚書熊虎姿澤州於此偕
 驅馳磨盤之嶺干雲達曾聞蟻賊塵雄師至今殺氣橫禮鑄
 層巔流水分兩岐南龍北潞殊派支五十三參孰詎吝艱難

詰曲頗似之南詢我已窮坤維德雲慈氏真導師河山久識
 皆心為大荒南經奚以悲獨惜此區劃怒夷蒲蠻蒲卡自古
 遺坐致瑋麗無人知九州之外良幽奇愧無巨筆磨天麾盤
 旋漸下龍江湄又見雪浪翻蛟螭

過龍江鐵索橋

昨過蘭滄森欲墮鐵索千尋顛如簸龍川今到心徘徊下瞰
 怒石濺風雷崑崙岡前山勢住一線崩流莽迴注傳自春多
 不知處龍川江之源從喀木所上巨金繩作飛渡六州鑄錯
 噓炎烟鴻鑪鼓燄凌丹天見本行經鍊成鈎鎖通關鍵如援接尾
 臨崖懸如蛇蛻骨繞樹纏誰斲石竅深而圓巨靈隻手分經
 緯忽屆青冥作平地縮版仍排雁齒斜憑欄未懼蛟涎沸尋
 幢度笮寧足豪梯空蕩漾凌奔濤前軒後輕吾豈免見慣不

須愁腳軟

宿橄欖坡竹屋

高黎貢如屏龍江巨其肘南為橄欖坡居蠻僅八九此山萬古荒茅茨亦何有截取青簷篋規以安甌瓠縷縷界紋簾條條約疎柳窄同鳥在斂疎類魚潛雷用紙絲繞之不藉巧人手山風日吹撼裂痕互糾紐行人度屋外了了見踵首疑洞垣一方斯術授誰某夜深展單衾枕簟落星斗夏雨儻淋漓便擬作土偶隨處等蘧廬我已悟莊叟

抵騰越後寓同年錢觀察黃與邸舍長宵絮語感成

三律

青蛉南下路千層翦韭炊梁有舊朋霜鬢年華經轉戰黃與前歲從將軍進討緬甸至天生橋而返月燈宴會憶同升撫言同年有月燈宴不須止酒師

元亮卻愧哦詩替右丞黃與謂予五言今古體多似右丞話到更殘渾不寐

拋牀彈淚誦春陵

蕭瑟嚴關正勒兵又聞投鉞重專征銀槍分駐烽烟遠隴川蓋達

龍陵皆分駐勁旅金印新頒壁壘更中書書瑣賈兩副將軍印至滇自有臧宮圖遠

畧何須樊噲議橫行時總兵哈國典等復有取木邦之議小儒豈習韜鈴術也

試弓刀戛擊鳴

鼓角無聲夜漸分匡牀促坐息勞筋客窗且幸同聽雨子舍

空愁獨望雲鐵索橫橋通急遞時修龍江鐵索橋君董其事羽書匝地走

雄軍奉旨派京城健銳火器兩營及索倫西棘鄂倫春兵並吉林水師成都荊州各駐防兵以次分起前赴永

昌杜陵憤切成何補蘇息窮檐在使君

黃與勸余小飲言兩年在戎幕中杯杓不輟而眠食如常飲酒引瘴蓋其說未可憑也乃復和前詩以自

解

生平慕簡文淵靜更閑止肯教陳驚坐投轄重門裏茲來況
避瘴已分謝酒子君言蠻獠區食物無可喜鏡中黃槁顏端
待微醺起既用蠲幽憂兼可葆生理齊物久任天彭殤豈由
已我懷如膏煎一沃斯已矣何妨由糟邱更溯醉鄉埃仍陶
劉伯倫往配鴻漸祀

雲麓漫鈔近鬻茶者
陶陸鴻漸像祀之

龍江道中墜馬有作示錢黃與趙雲松

鷄既鳴矣雲尚黑東風吹雨濕青壁泥融于膠滑于漆屐吏
送馬堵牆如何爲欲逐羣駿趨一躍而上踣泥途緣途很石
紛狂象下偪湍江更千丈中有饑蛟倏來往石間尋丈青蒙
茸聳身直上衽席同無須攜酒勞諸公僕馭爭扶謝神庇我
識山神有深意不作三公忍折臂

再渡潞江

又向蠻江喚短篷久將身世付觀空天知炎瘴無由著轉與
清涼拂面風

重宿龍江稅房

繩橋斜日駐征蹄竹屋茆藩識故蹊小憩又增三宿戀重來
恰便一枝棲前山雨過江聲急遠砦烟生暮靄齊猶有吏人
相問訊孤燈如豆助炊藜

移居城東李氏宅和淵明韻

一身寄蠻荒何者爲真宅街西僦數椽頗似鷄棲夕蕭然挂
單僧肯爲寢處役腹疾兼秋霖聊取安莞席移居東門東幽
境異疇昔問疾如文殊妙理端可析

雲嵐間烟堞繞屋無聲詩面城更近市巷僻誰知之神情忽

散朗病去不可思明知等桑下託宿寧多時滿庭翳花藥素
尚良在茲結居必林泉斯言不我欺

雜咏李氏寓中草木

珍珠蘭

珠蘭本非蘭時俗號魚子空齋風露清幽香宛相擬乃知古
論交同心具微旨所尚臭味諧不取標格似茲花在南吳其
長尺有咫炎陬易敷榮叢條俯臆几離離綴微翠九畹娣姒
耳誰補楚騷詞定可續芳芷

菖蒲

昌陽非小草本爲神仙資蕭然水石間永與塵土辭端如勁
節人義不貪膏脂誰云根一寸頗有凌寒姿我來蠻漢中藥
物何由支日啜薏苡粥聊用扶衰遲寓齋忽見此青蒼照鬚
眉其根皺瘦透慙苦良我師何須十二節服食凌輕颺

竹

濕地饒脩篁如蓬最繁庶脩脩亞牆邊新翠滿行路我衰更
流落病起澹無豫此君真高朋浮筠照巾屨蠻陬無歲寒何
以別貞素地磽筍亦苦餉客難下箸惟餘清節在對我永朝
暮因思蒲褐齋叢叢尚如故應爲報平安舍風曉相語

芋

連禪本蜀產寔可供盤飧未作白石粲先有青蓋翻欹斜雜
荷芰零亂穿蘋蘋眼明數莖碧颯颯當前軒瓦溝流新雨竟
夕生微喧蠻方方食貴比屋虛藏困且茹甘蕉子兼劬鳧苳
根似應廣植此庶充老瓦盆

薔薇

薔薇兒女花花宜傍臺榭如何背東風開偏近清夏有如貧
家女幽獨羞早嫁嫣然吐紅芳肯與春榮亞盈盈梅雨時冉
冉權籬下微香不自薦零落滿橫架誰丐翠微堂調鉛寫嬌
姸

病起

山浮雲氣入松杉聽雨空牀側枕函老矣精真銷燭武全然
病已遇巫咸芻糴載路傳呼急寓所近倉聞輓運石凌空
激響嚴近新第大礮重三千餘片其子屈指師期知有日喚
磨長劍製征衫

聞師期定於七月二十日有作

元戎十乘啓行先不俟邊關掃瘴烟獵豕自應征六月鬼方
何至克三年禡旗宜社軍容肅委火炎風氣候偏聞說戛鳩

衣帶水羣蠻早機渡江船先是戛鳩頭目賀丙率猛拱夷官

內地屬夷且集船於江滸以備濟師

南甸

昨過黃果樹今度曩宋關關門僅尋丈一逕當市闌邊防久

不愼疎畧由治安出關忽浩蕩眾嶺紛噴岫丙弄聳其北稍

東為蠻干昔山名南牙鬪雲霧下有奔流寒南牙山甚高延袤

梁河小刁氏世厥土解宇深而寬往因麓川功宣撫躋崇班山

川豈異昔昔勇今何孱正統八年刁氏以隨征麓川授宣撫司王師振霆電

多士爭桓桓曷不軒猛氣鍛戟隨征鞍

師次干崖甚熱

騰衝陰慘悽六月失煩暑居恒擁毳罽無復事織紵經旬乃
燠乾驕陽氣仍聚兩日更蘊隆燒空劇束炬祝融權久弛臨

秋轉具舉炎光熨甲裳揮汗欲成雨行人下馬坐正值日當
午頭眩目亦眩據地氣如縷遙聞海泊江風濤戛萬鼓執水
往枕流庶洗煎灼苦南荒直熒惑毒淫固其所所憂逼歎蒸
瘴癘困徒旅柳下扇暍人慨然念前古

蓋達

蓋達宜撫司厥壤與緬接初夏曾見之欲語已嗚咽為言干
載前烟火等都邑禍始自柔兆朱波肆掩襲嗟峨萬仞關竟
使烽烟入兒童被創痍婦女亦俘繫餘者悉逃亾百戶僅存
十我聞怒債盈背裂髮旋立茲來過其墟蒼蕪遍原隰長湖
空澄泓緬寺半頽壓何時揃磨梳軍書早奏捷平平太平街
街再使邊黎輯

出銅壁關

八關孰叙建晉江實英雄表延逾千里自西徂南東猛密路
久絕誰復收漢龍存者僅有七銅壁居其中

銅壁關為控制蠻暮要道神護
巨石萬仞在其西鐵壁虎踞天馬在其東又東南為漢龍關
蓋入猛密之路今已不屬內地八關皆天啓年間巡撫陳用
賓所築陳福

嘶風出關轉平曠逕稍分窾窿我聞古設險塞阨當要衝一
夫奮長戟萬眾疲仰攻茲何失地利毋乃籌未工抑歷年歲
久改築迷前蹤戍兵結木柵周遮等垣墉芭蕉森十丈灌木
紛籠嵒長天欲釀雨深谷雲濛濛玉門幾時入回首心憂忡

陽爽河道中有懷升之

時升之從經畧由止丹山渡南大金江

出關已黯淡冒雨赴陽爽長途不見天萬古失軒敞陰陰昧
日車慘慘寒林莽氣蒸雲霧滋沮洳漬平壤積潦兼奔泉萬
馬驟來往澆灑成塗泥滑與豨膏仿淺者已數尺其深遂盈

丈木根嵌石齒千萬迴巨蟒豈無追風足一步輒俯仰顛蹶

寧可知攬轡敢用罔偏裨昨督運陳詞苦惚恍前此守備李

河至野牛壩六十餘里深谷淖泥驟馬多有斃者能吏亦束手呼號費錢帑修治竟

何能艱危逾疇曩矧聞止丹高險惡出心想身手媿健兒曷

以恣掉鞅何時度重山平臯忽誅蕩擊楫共橫江含悽訴枉

野牛壩

攘劫風飄微漚緣空立世界蒼茫坤軸中一卷僅纖芥往往枵

然虛吐納應吹鞠茲山更恢奇離列儼擯介桓桓萬貔貅

林築營砦夜深刁斗鳴巖巒忽鳴噫宛撞巨石鐘訇轟和梵

頃每有鼓角刁斗聲四山及不知耳目眩坐覺乾坤隘獵鳥

息號吟鬼神走荒怪儻如洒石浮下有六鼉戴我欲拂珊瑚

九牛牯

紅湖

亂山不知名云抵紅湖宿是時天欲陰雲霧變慘黷蝮蛇如

樹長驚人上楓榭怪鳥亦偶嘯其聲雜歌哭奔湍遶澗流徒

旅競飲沐忽催傳羽書磨盾缺明燭就爨吹濕薪濃烟苦昧

日據地揮禿毫淋漓兩三幅字畫亂真行半作蛟龍蹙封成

旋入幕默坐藉草蓐我馬忽哀鳴踣地頗彳亍盡日行山箐

何由覓芻牧艱難忍汝饑分飼出囊粟明晨蹋青泥庶幾力

騰蹶

夜雨

山泉奔如雷夜半捲衽席枕戈本不眠濕痕漬肩脊軍令未

敢喧獨起召徒役不知帳外雨更作飛雹擲谷音合蕭騷地

續互逆迫月落雲氣昏諦視逃咫尺偶從破鞍坐稍待東方
白未遑收脯補聊用抱圖籍遙想前山泥比舊更增劇征夫
三千名淚與雨泉積

經火焰山下

蠻山號火焰怪異傳兒童垂老乃過之深黑聯箐叢是時積
久雨雲靄彌鴻濛十日匿不見何由覲青穹燧人言此地丹
天司祝融其帝赤燦怒火德常蕪隆炎烟裂坤軸上耀金鷄
紅石棧作寶燄剌剌猶騰空毒泉兼熱瘴饑餓填心胸神鬼
尚焦爛矧乃行人蹤茲來幸陰露庇祐叨神工不然等夸父
喝死層林中殘暑尚未淨晴光駭長虹為念後來者愁歎何
時終

蠻暮雜詩

絕微踰千里懸軍及二旬蠻江開地脈自銅壁關至東谷悉
層岡重阻惟蠻暮西

南沿江平壤
幾二三百里炎嶺斷風輪士報逃亾數人傳瘴癘頻飛書聞

送款消息未曾真

莽莽中秋雨銀蟾定有無江湖連浩蕩南大金江在西蠻暮
江在西南南來湖在北

皆管三面
皆並水雲霧入模餽卑濕嗟何及艱危病未蘇不堪重把

酒堅坐守羈孤時廉使諾君擊仁
穆親以杯酒見餉

物候殊堪怪天時未可憑日高紅霧漲秋盡火雲蒸妖慧光

初隱時有長星于七月下旬
見鳥柳間十餘日而滅長虹氣尚騰雷公真好事頻夜

試轟轆

下壤成沮洳平臯長枯莞蚊雷晴撲帳蟻陣曉登盤荒微真

堪異殷懷敢自寬秋蟲噉最苦永夕伴長歎

行李誰能惜塗泥幾日通儲胥虛結稭隱語託芎藭取稻搜

夷壘求金訊使筒椎牛千帳厭絡格見禮記鄭注灑腥風

蠻暮蠻司地荒城有舊蹤屢經思陸據明嘉靖中任思陸自麓川奔此曾入

孟都封蠻暮本屬木邦孟都木邦之别名也沃壤豐稔稻番船聚貝寶印孃今

內徙寥落賸溪農先是土司瑞團奉其母來降入居內地蠻暮土司城遂廢今僅存南來甘立弄種寶

谷數寨耳

荒落平蕪遠蒼茫勝概存橫舫通孟養隔岸蒼蒲蠻地擊柝及

官屯傍嶺通軍火瀕江啓壁門後期催未至薄險與誰論

策馬萬山秋梯雲指戛鳩熊罷開絕徑提督哈國興率衆先行鮫鱓避

橫舟聞經畧已渡南大金江雨久旌旗暗泥深饋餉愁和門仍執訊未

覺損前籌

薄伐追前代樓船下瀨多夾江三路進時議戛鳩西路兵由境東路兵取猛密掠緬東境合中路水師直指阿瓦順水一帆過形勝懷沙垠明史王驥造舟

于沙圖經考阿禾元人由阿禾阿昔二江乘舟以進造舟工作急督運敢蹉

跽騰越州龍江路江皆流入緬境然難以逆舟惟大金江其

少木弗能造船且四五月間漳癘方盛人不可居乃伐野牛

成之木為舳舻械皆備至是令兵士運至蠻暮使工人合

以達於大金江

未具艤艫艦先徵組練兵飛騰經粵嶠絡繹過神京先是

選吉林水師一千福建水師二千赴滇備用浮鼻風濤慣湛身性命輕水犀真勇

再選川粵騎兼程楚粵材三十二年川黔楚粵選擇馬匹運送滇省至是復令四川購馬八千

積雲鋪過山開入淖誰能出鳴瘡迴自哀駑駘存幾輩珍惜

等龍媒

磊落征南帥風雲動指麾名仍當右拒責已任全師忠蓋神

明鑿憂勞將佐知生平表餌術盤錯未曾施

謂副將軍廣庭先生

伏莽游氛亟前茅斥堠長未能擒任豹差喜獲餘皇

八月二十八日

偵者知賊弄船來率兵密掩之秋霽日刀健清鼓角揚頗

聞驅雜種捧土固隄防

小校陳作材來報緬人調焚夷波竜

目早梗稱蠻老甘立諸若焚夷俱為蠻

本是侏僂俗真成魍魅居圍腰網布密貫耳野花疎設奔驅

狂象排籤掩懦魚

夷人謂美為儒言魚味美也

聞風和震警先後獻芳蔬

古刺高里諸野人皆以蔬果來獻

羽檄流星急軍書刻晷題生涯催白髮道路怯青泥日久軍

容壯

自九月初雨霽後各隊兵漸集

秋高馬力齊明晨移壁壘更指大江西

時將進屯新街

再過香楠林中

香楠萬本遠叢叢雨過初晴日色烘行過一程聞不斷染香

人在綠雲中

千軍萬竈作勞薪早爨還聞玉桂辛知是山靈終愛寶不教

編棧下通津

寄門人蔣檢討舜游

鳴鹿

北望羊苴咩經時信使疎烽烟初告警瘴癘未全除雨積空

江漲田蕪刈若虛艱危誰見憶莫忘十行書

重九

興安嶺上作重九雪打鬚眉大於手風毛雨血快行圍笑指

黃熊銜箭走怒飛萬里真奚為昔依北斗今南斗重逢九日

到蠻谿寒暑分司竟何有是時初霽金鷗張戎旗似火洪鑪

揚飛蠅接翅晝障案怒蛇奮尾宵蟠牀武溪毒淫真足閔一

望金沙波泯泯征夫不忍說登高憶度危崖幾艱窘官屯隱
約重雲遮尅期進屯臨江涯畫楠黃果千萬本無從小摘思
黃花昨嫌蠻酒辛而刻一醉於今安可得被祥豈用佩茱萸
瘴雲殺氣漫空黑

猛暮道中

薄霽泥塗淨荒叢逕路微灘回奔萬弩樹古漲千圍兵氣浮
殘壘軍鋒指大旂游氛知漸避斥堠報書稀

西帕河邊叢竹數十里

忽見千竿竹何當萬畝寬臨溪晴更潤罨畫長寒歲久苔
花遍秋深粉籜殘夕陽回駐馬真作翠雲看

渡南大金江

乘流更狎水犀軍指顧秋濤接海濱島嶼菁深藏嶮火江中島長

四五里上有峽弄孟襄二砦江湖波合漲蠻雲蠻暮江南來湖皆於此合流入江紅湖驛

奇勳

荆襄曾記挂颿過又向蠻江溯逝波秋老沙田鳴鸛鶴風高

雪浪駕龍鼉連雲殺氣居人少下瀨軍烽列竈多水師禁舟中舉火炊

爨者率于岸旁穴竈與任思陸約立石表誓江上曰石爛江枯爾乃得渡擊楫橫戈追往事靖南碑刻定重磨明史王驥造舟下金沙江

再渡南大金江即事

南荒經南空未鑿誰考江源溯白霍蠻暮南來大展拓斷岸

長天莽寥廓何爲衝風振長薄不見軒然大波作野田秋鶴
長于人盤雲忽落呼其羣大魚躍水蒼無鱗丙穴石首非其

倫小船三人槩薄羸時與阿制府補堂思哈諾廉使肇仁同渡數尺斜陽射林邏

殺氣如山蔽空墮激電一聲飛燄火

阿副將軍

里衮

輓詩

上公威望壓朱波

緬甸頭日以書求款者必致公麾下

近領樓船已臥病

公久病瘵

登舟溫嶠登舟心尚壯文淵鑿室病難瘥三號何處從升屋

益劇時卒于舟次

五夜空聞喚渡河除道梁差人不覺冬雷聲激怒濤

多是夕雷

昨傳星象隕瑤樞

公次猛拱夜有大星隕于西方越月餘公卒

北落光芒定有無其

悼青嶺人卜壺最憐視含有荀吳

謂公于豐昇頌

上方祀器

君

恩澤下水危檣士氣孤此地年來多戰鬼雲旂來往眾靈趨

送升之回騰越

前生出家人一念逐仕宦天將警其貪遂使歷憂患家鄉在

勾吳骨肉隔京縣炎險瘴癘蒸軍壘烽烟亂艱危在

歲閱已徧差幸聞道早生死齊夢幻礮聲夜盤空過枕了不

眩誰知今送君老淚轉飄泣與君共鞚孤哀鳴等連鴈相依

萍偶聚相別主屢頻騰衝雖瀕邊烟螺映林館藥餌足自醫

水土況平善裸夷尚未誅安能定謀面緣江柵若堅排日事

攻戰他時儻死綬馬草本非戀隨地有青山荷鍤最稱便君

其賦禮魂荔蕉薦几案披髮下大荒一笑激奔電

卽事次升之韻

料量劍箠與弓檠時向蒲甘問去程解帶擬陳攻壘具張帆

頻望下江兵負嶠賊已同狼顧穴地人方等蝨行仰首憑誰

占泰壹陣雲如墨壓山橫

再次前韻

身如三尺倚牆檠瓠落難期匠石程束縵自維喧櫪馬饋漿

親問裏創兵瘴烟入夜緣壕起礮石凌風傍帳行刁斗聲中
心欲折憂時頻按劍鐔橫

別升之後有懷三次前韻

昨宵絮語對燈檠忽送歸人又一程揮袂便辭磨盾侶望關
恰趁運糧兵早趨戶牖頗憂伏莽今與肩輿最喜猿奴便與
者皆南甸手劍先看驛吏行經畧令驛人永夜相思如念我
蓋達棘夷

水雲深處大江橫

四次前韻

遮眼文書對鐵檠幕中功籍幾時程督郵屢調三關卒先是
傳於銅壁既至新街移調鐵壁今以劇壘同催兩鎮兵時開
老官屯距虎踞關最近復令移設圍向籌林深
總兵承平為鎗所傷鶴麗鎮總兵德福陣亡緣
營兵皆歸楚姚鎮士文煥昭通鎮馬彪管轄處合人從矢石隙中行同仇志切真堪痛往歲秋原骨尚橫

寄升之五次前韻

熱盡松明當短檠何時馬首指歸程聞雞起舞朝催戰捫蝨
雄談夜論兵師老難期旬日下年衰羞逐衆人行杜詩老逐
羨君歸憩蕭閑甚藥裏書籤自在橫衆人行

升之夢作宮詞詞旨深婉六次前韻以足其意

經年挑盡兩窗檠路隔昭陽又幾程敢望樊姬能諫獵尚期
鄧曼善論兵黃金誰賦長門怨青冢頻愁絕塞行猶有當熊
心事在臨風未肯臉波橫

入虎踞關

一戰聲先奪重圍武更揚攻心能震盪喪膽敢併張乞命詞
尤屈尋盟誓不忘錦袍排十四編何頭目十四拱手話來王
炎微烽烟靜窮邊景象新聚觀連婦孺列肆雜夷民納賚軍

威振垂囊士氣馴饒歌傳凱樂正及一陽春時值冬至
銅壁高猶在金江望已沈未成磨劍志尚愜棄繻心鶴鶴迴
行列鳴鶴識好音成人迎候遠旌旆滿林岑

過太平坡

霜華薄薄上疎襟鳥語猿嘯竝好音木棧縈迴連石棧松林
迢遞接杉林請纓差遂平生志負米偏愁歲暮心喜見太平
真有象蔬畦稻廩徧高岑

回至隴川與黃與夜話七用前韻

竹屋仍挑聽雨檠生還辛苦算郵程敬容猶肯留殘客升之請君
皆先後寓此宣武真拚作老兵日晚黃茆蒸霧起風高青燐隔江
行撞胸舊事悲重訴歎息宵看斗柄橫

送黃與還駐隴川八用前韻

堂重翦一宵檠去住忽忽又異程轉餉尚監搜粟尉擁旄
仍護駐關兵時以虎鼎關駐兵未撤且并燕春燈臘酒誰人
伴霜驛風郵信馬行想見小梁河畔路梅花如雪隔林橫

抵騰越後寄同里邵珏廷玘高士伯景光兩貢生

玉關生入卸戎衣回望吳淞萬里違櫻筍鄉中殘夢在枌榆
社裏舊遊稀輕帆五兩青油舫矮屋三間白版扉擬向西枝
尋小隱煩君重置釣魚磯

騰越寓舍九用前韻

挂壁弓衣已卸檠空將南北憶行程呼鷹玉塞秋圍獵立馬
金江曉勒兵塵劫何堪燈下話家鄉只許夢中行飄零蒲柳
年年甚莫怪霜花著鬢橫

再過升庵先生故居

茆屋三間護榷籬重來駐馬謁荒祠風流軼事傳金齒諫疏
高名動玉墀花下題詩諸伎乞雪中酌酒故人思南行卻羨
君猶近未到蘭鳩浴象池南大金江東岸有瀕

臘月十七日傳經畧阿副將軍前制府補堂暨參佐
諸君合樂置酒酒罷奉呈副將軍

池曲晴暉傍檻明笙歌叢裏列羣英徒誇邱仲工吹笛誰是
桓伊善撫箏八坐風霜催歲暮當筵鐘鼓樂時清祝公借箸
休三嘆問左齊聞快息兵

送孫侍讀補山士毅

十行 詔下赦封豨奏凱仍看振 國威頒賞敢思歌杖杜
還家差免歎蚍蜉蠲裳照路隨黃閣玉佩分行入紫微時與劉鴻
臚德引秉恬隨 多少沙蟲留微外知君南望更歔歔
全經畧還

副將軍既振旅回永昌時屆歲除官齋尊酒追溯用

兵顛末述事抒情輒成聯句八十韻

詔撤三年戍升人依萬里城受降唐節度德甫振旅漢營平尚
藉邊籌遠升旋逢歲籥更星霜回暮節德甫烽火息嚴程蓉幕
叨陪侍升椒盤快合并紀勳詞磊落德甫感事意迴縈在昔承

恩命升於茲習義征重邀 王母福德甫益勵丈人

貞公初受命督師啓行時詣 諭所賜青瓶如意皆

寓吉 穴竄將窮鼠升波翻未翦鯨先聞傾鼎餽德甫繼悼結冠

纓倉猝殲于遂升消搖散在彭以上敘揚制府應琚貽誤軍

址錫箔江木改弦軍政肅德甫挾纊士心傾戎畧書詩裕升儲

胥竹木羸習勞曾運璧德甫肄武亦開棚分埒騰驅駱升排困

積稔杭威真敷絕徼德甫念愈軫疲氓勢可乘因壘升功偏待

秉衡以上敘經畧赴滇統師進討凡取道儀容諸將懾德號

令一軍驚借箸師中協升飛符闕外行周咨常旁午德祕算

必先庚吉日應徐卜升凶門詎急爭深燈輪悃悖德側席費

論評薪恐難移突升基虞易下杵終朝惟仰屋德前路遽揚

旌萬仞巖關峙時副將軍由銅壁關前駐野牛壩督造戰艦

通西路千重駭浪橫蠻雲凝作嶂德淫雨積為坑振策經途

速升浮查問渡輕幸牽巾幘戀德得使櫬輿迎德覺先已逃匿

勇決空羣醜升平安屬使伴遠期姬且烏

來就亞夫營時副將軍已進駐新街屢遣夷人此地雙江

扼升蠻暮江自東來灑于南大金江斜對升維公隻手撐夾欽觀

戮叛隴川人蘇明燦段世瑞來往賊插羽亟徵兵削梯高橋

蠹升鎔金巨礮轟何須燃斷鎖德絕勝渡浮罌乘扁颺溫嶠

時遣伊將軍西升揚麾挈顧榮謂制府東西連玉帳德水陸應

銅鉦會合歡初沸升飛騰氣已盈非緣欺小敵德直與奪先

聲姑蔑收空壁升餘皇徒斷濱猿叀斯就縛德禽逸乃遭扞

十月十日新街水戰擊敗賊兵獲其舟並風陣催帆飽升霜

旂蠹器械無算頭目賓雅得諾被創而死風陣催帆飽升霜

棧淬劍瑩官屯趨浩蕩德賊柵列崢嶸以下敘進駐老官

輟蟾宜捕升藏岬虎莫撻越蛙徒自式德衛鶴那堪令忠蓋

通神鬼升恩勤邁父兄有言皆激奮德無物不抒誠瘴癘寒

猶熾升瘡痍力轉勅鎗烟摧拉雜德機石擊鏗訇執銳兼持

燧升臨衝競挽鞬梯危懸碧漢德隧曲穴青坪俘卒聯徽纒

之升逋夷驗刺黥時舟師生獲十餘賊并有自寨逸出來下游

援漸絕德中夜謀頻偵裏血方酣戰升炊骸遂乞盟老官屯

久舟師又斷其南來救援賊寨垂破而卑辭函鏤貝德吉語

阿瓦酋長已具貝葉降書遣使乞款

應占黃副將軍赴滇時途中遇善筮者筮時值文淵病升羣

欽諸葛名時離卦六爻皆不動偃武之兆也至誠孚裸虜德大議洽豪

英表餌幾全握升韜鈴術盡屏盤根衷獨苦德省括計彌精

待振虞階舞升微調傅相羹旋師符德救諭德請命為婆

惇軍中方受降而中納款求陳幣升攄忱謝宰牲懽呼喧

擧棘德感泣遍柴荆臘後蛩催織真中冬候蟲聲春前犢試

耕岐看消枉矢德瑞定表華萃遠譯風諧律古謂東風入律

甸貢使將至新郊雪散霏真中少雪而連朝四山積素朝

天歸上輔德計日近元正經畧于嘉平十九班管停磨府

升珣弓罷繫檠薦辛挑細菜德透甲擘香橙泥飲蛆浮瓮升

徵歌鴈語箏燕私蒙款款德鴻論劇觥觥烏本期頭白升魚

還念尾頰伸宣仍逆旅德元叔剩餘生夢寐嗟相對升然疑

忍其明追思從袴褶德誓欲掃樓槍匪尚犁庭績升終酬攬

轡情居恒時若厲德履險道能亨偉節強哉矯升嘉謨展也

成畫圖垂紫閣德譽望溢丹瀛猷壯推方叔升知深荷晏嬰

願從元白後德驃樂載同賡緬甸即古驃國唐韋臯為節度

有詩紀事升之

除夕和蘇文忠公韻八首

冰檠擘黃果翠釜羞青蒿謂將一夕樂稍慰終年勞年增年

正減衰謝安能逃終媿狂接輿卻曲煎明膏除夕無可除羈

愁亂如毛塊然聊取醉負此長檠高

憶我童卯初膝下最酣適每逢歲云暮狂走覓梨栗憐我任

取攜飽食不須乞如夢四十年舊事半遺逸老親寓京華守

此懸罄室况復悲孤兒荷戈萬里出今宵對酒樽一笑未可

必

地爐松火溫微紅照燈背隱隱鐘初鳴迢迢夜未艾春歸雖

尚遲

明年正月九日始立春

已與東風會回憶從軍時死生付大塊豈

僅如杜陵崎嶇走劍外乘墉親矢石踰嶺冒鼓鼙艱難苦戰餘卒歲身仍在敢遽慕步兵寒江問鱸膾

先人最伉直斗筭豈屑數手書百世師

先君採屈子以下至史閣部可法共一百

二十人為百世師錄

鑿楹示遺語小兒楊德祖大兒孔文舉精心辨邪

正刻畫分脈縷勗我雨齒牙名教在拮拏今我等枯蓬年年

走風雨文章既鬢悅才量亦筐筥所冀邊塞安九穀賤如土

耿耿憂世心九原儻應許

荆蠻古要服驃國尤遐荒幸逢

威德播贊幣來相望醜徒

今內向殺氣迴穹蒼邊防亦布置普洱連永昌庶幾補牢善

豈用嗟囚羊寄言繕牧圉辛螫期毋忘

我生如田仲巨瓠不容斲與世頗聱牙其故坐愚慙行年四

十六壯歲等風雩鳧鶴各短長衰晚豈能學宵分更酒悲方

寸起五嶽獨慚任道力遠遜圉人犂偶欲破觚圓撫躬輒形

渥決策謝于時何庸叩牛角

含空澗初陽一痕照溪山忽見

鉅山湖畔路疎柳三家村自從掩蕙帳薜荔頽牆垣傳聞屋

後竹遍地穿龍孫屢思刺一權雪夜歸柴門老成雖淪喪頗

有親串存探春攜蠟屐卜夜開盤殮旋京尚未卜此意同誰

論桑弧射菟首何日師劉昆

去冬逢舊雨留我娛殘年官衙夜置酒不用青銅錢誰知鳴

陰鶴分飛隔吳田

往歲除夕在馮泰占署中今泰占以內艱歸嘉興矣

所幸踐戎幕仍

得栖寒氈驅愁供一醉賴此杯中賢醉計歸時路寒食紛秋

千約計明春三月一輶馳北林中

可以北還故云

今春古以內賦補無與矣

中復率規不錄以

不訊清風幾歸晚

日相履星

我等枯蓬年年

七張五嶽巖

十六城憲善風

期主收田

登風迎

青浦

春融堂集卷十二

青浦下玉

勞歌集

庚寅 由杉木和赴花橋作

亂山迴合無路通

候館依巖東

振颯沓更愛竹雪

宮念我經時涉炎

啻香水湔心

神藐姑射

爭琮明晨更

威寧哨道中

西嶺尙漏斜陽明東巖忽吹雨脚橫白雲堆中黑雲起頃刻
下覆松梢平我與雨師緣已熟巒嵒經秋泥沒足先春三日
弄晴暉初上征鸞飛簾櫳稍欣碧澗裏琳瑯誰識山靈意更
長爲憐羈客風塵減畧與梅花助洗妝

博觀察晰齋

明

至永昌攜樽酒歌伶見過有作

雋唐雲樹渺天涯細柳軍中過使車月底歌仍傳北里燈前
酒已喚西家論交共憶三條燭

君丁卯孝廉出阿文勤公門下

歲還占六

出花前夜微雪猶話石渠故事在紉書簪筆傍官鴉

昆明上元

燈輪仍共月輪新走馬香街不動塵箏板參差三閣曲

滇池曲調

往往與白下相同蓋沐英就國時多挾南直隸人以去故也

煙花縈繞五華春營收白羽

初發甲盤簇青絲恰薦辛莫怪銜杯頻悵望兩番元夕一鬚

人

題升庵先生小像

去歲過先生舊居爲詩志感今將北還晰齋先寓書

太和令屠君可堂

述瀟

令攜點蒼山感通寺中所藏

遺像至龍尾關索余題句因復成一律連前作三首

併書於左方庶表生平辦香之願云花朝後三日

寫韻樓高瞰洱河生平玉貌未消磨中朝仕宦羞張桂北地

詩章敵李何才子相門前代少詞臣驕迹異方多

省城碧曉精舍及永

昌明詩臺大理寫韻樓皆先生棲息處

畫圖合挂靈均廟添取幽篁帶女蘿

昆明客舍地主招尋置酒連宵偶成絕句不自知其

振觸也

小閣頻開翡翠屏兩牀絲竹響零星傷懷最是王長史月落

燈殘掩淚聽

春江哀鴈久離羣玉梳金釵隔世分又是棠梨寒食近東阡

腸斷魏城君

小小朝雲足斷魂六如亭下近黃昏傷心一念償前債東坡句

多少春衫染淚痕

滇池春漲浣征衣京國分明萬里違誰識燕山亭下路有人

和淚寄當歸

繞梁絕似轉春鶯裊裊楊絲跪地輕錯認生依神女廟屋梁

初日是芳名楊郎名暹

春風一曲按紅牙羅襪生成眾口誇問姓已堪金屋貯徵名

更合刻茗華陳郎名玉

吳頭楚尾可憐生羈客幽懷未忍明只有江城小龍女也知

淚眼不曾晴杜郎名龍

一串歌珠伴綠樽不曾真个也銷魂陸天錫句而今夜雨相思處

只向春衫驗酒痕

宿世生來六欲天陰陽執手亦前緣誰知久證香巖觀一笑

人間十種仙

落拓江湖是牧之舞袖歌管寄愁思縱教書記平安在不奈

燈檠照鬢絲

十隊紅妝勸酒厄纖娘媚子總芳時如塵如夢兼如幻合把

風情付偃師

明撫軍德招游近華浦

近山不知山漠漠重雲掩天公未放晴雨脚滿湖掩清游纔
出郭已望蒲帆颭稍開春陰濃遂見初日閃野船銜尾行歌

聲隔葭菼小泊登迴碕平蕪綠如毯空堂署澄碧村樹盡遙
覽此浦接滇池柔波寫澄澹錫名等西湖嘉景詎能貶錢塘
與歷下兩者吾所憐茲來悅昔游况有深杯醞獨愁馬首東
欲別竟先感不及趁薰風來看千箇菴

蒲又名西湖夏
日荷花最盛

黑龍潭

陸山城西隅環抱氣清肅出泉匯爲潭云是羣龍族升雲兼
虛雲層網誰敢觸具闕滕文魚演衍托卵育堂堂萬千頭煦
沫互沿泮我游等濠梁憑檻送遠目蘋絲合樹影零亂湛深
綠道人雖非魚魚樂在所熟牢丸與薄夜隨手散溪柳掃尾
忽駢趨跳波競相逐大魚獨含靈背有金紋感偏強未卽前
似知貪餌毒偶來一朵願豈肯計果腹我聞聖王世必重四
靈畜非徒表禎祥實可通嗜欲不知此泉源羣鱗前服

麥初收駛雨尙未沃中丞方步禱排闥奏丹籙會須鞭蛇
蟻爲我降優渥

龍泉觀

觀祀劉真人淵然與其徒邵以正及羣真像淵然南
宗明洪武間賜號長春真人旁有商輅陳循二碑具
述真人寵遇始末甚備

禪宗判南北道家亦如之偉哉七真教遠暨西南陞長春本
上仙墮謫生却離淵源在孫馬守一羞神奇流沙三萬里往
作帝者師窮荒角端見去殺不復疑其徒守末法猶能役雲
霓塌來造精舍花藥涵芳滋香煙映遺像逸氣浮階墀方瞳
冰玉顏定是雲水姿翛然超物外珪冕何由淄可堪修廊下
龜石刊文詞鋪張敘世寵詎免真靈墮門前百頃潭蛟龍夜

夔蝼想見馭風雨來往三山崖古梅五百秋亦與長生期惜
逢春已暮不值花萎蕤森森兩翠栢根脈含清漪何當採其
實服食同隱芝觀前梅二相四皆四五百年物旁有流泉繞之

鳴鳳山太和宮

朱鳥南交地偏崇北極祠虛危昭法象元武動旌旗袞冕威
靈壯風雷陟降遲松林環翠外金碧耀翠恩宮係巡撫陳用賓建鑄銅為殿

簾幃几案皆以銅為之殿右有環翠宮

優曇花為阿廣庭先生賦

年來苦被世味醺交梨火棗何由陳南行萬里飽憂患思借
鼻觀祛塵氛海榴未開婪尾謝忽見數朵揚清芬是非曼陀
非薝蔔曰優鉢曇經所云色如帝青石鉢淨臭比牛首梅檀
熏一枝非從瞿夷乞十笏疑向維摩分人間囊子豈可致來

自印度西南垠竹林精舍柰苑裏想像清蔭依迦文梵天朝
霑鷲嶺雨德水夜潤恒河瀆何年移根植滇海蠻奴焚長驚
芬苴相傳一開閱千載肯與俗豔娛凡羣膽瓶攜來尙未圻
已奪篤耨兼蘭薰空庭入夜更幽澹逆風自足驅腥重先生
夙世本龍象蹴踏香海蒸香雲邇來清齋日宴坐楞嚴經宴晦清齋香
氣寂然來入鼻中坐令藕孔窮魔軍奇葩此時恰示現正似阿闍開
彤雲桃花飯熟可啟悟木樨秋靜堪同聞何況茲花世希有
木樨作種含細縷巴波遺迹儼重見南詔皮盛羅時僧善提巴波自天竺來以所攜
念珠分種之成優曇花辨能紀閨絲繹紋嗟我過去差一
舊在土主廟中者今枯念瘴鄉流浪違榆枌俱締羅教風所欣對此差解憂心焚誓
依蓮幢破結習敢逐柳絮滋粉耘拈花儻許更放下不妨微
笑娛朝曛

曉行

南榮夜雷曉猶懸正是春餘穀雨天紺塢遠銜雙嶺樹翠屏
橫巨半湖煙香風梵唄緣空度松逕茅茨到處連將屆靈山
風景近薄寒吹鬢更儵然

將往雞足山禮大迦葉自雲南驛前抵梁王山宿途中
卽景成篇畧無詮次

肩輿晚過雲南驛欲向空山覓靈迹問途却指古城東繞郭
民居莽蕭索鳥道千盤落照黃螺峯一角晴嵐碧亞簷檉柳
縷初穉依戶欂桃花半坼嶺覆童童似蓋松腔鋪刻刻纒生
麥豆莢斑時子未成萊臺肥處花堪摘樵逕雲濃暝色低溪
村人靜汎泉激紛紛鳥雉噪柴荆稍稍磨農竄阡陌遙聞春
杵響煙中漸有機燈出林隙月暗偏增野路紆風生偶覺清
寒迫夙世因緣在此行多生誓願知難釋西竺伽黎應尙存
南華香火將安適獨往欣看叩道師孤蹤久分同禪客田衣
筇杖劇蕭閒襍被腰包稱遷謫避席猶煩野老驚掃門重累
候人逆小窗蔬食一迥然盟罷趺跏便終夕

賓川驛館曉行

羣山蒼翠驛樓西已換籃輿更杖藜風轉迦陵隨梵唱花殘
優鉢和香泥山家蕙圃兼蘭圃精舍桃蹊又柳蹊兜率應知
同此勝願從華首問伽黎

渡盒子孔橋本名雪陰橋

蘚逕蘿蹊次第尋春山亭午尙微陰石橋三折通孤嶼雲瀑
千重下遠林結侶苦無支許伴遠游真愜向禽心過河更喜
香宮近纔聽鐘音又梵音

頌

百官自石淙寺至華首門禮大迦葉並游悉壇諸寺讚佛
覺海本圓明緣空世界設金輪妙合凝河嶽迺分列域外四
名山雞足居其一假彼五德名喻此雙距植雖非須彌倫實
與靈鷲匹我讀放光部梵筴記詳悉葉榆古未通故不具典
籍點蒼東蜿蜒高黎南崩岩金沙繞其西洱海帶其北福地
與洞天培塿叨蹇劣是爲靈奧區羣真共棲息考摩訶迦葉
夙世由金師相與婆陀女發願成菩提經九十一劫紫色光
容儀最後皈瞿曇苦行頭陀持正法得眼藏不在文字爲大
哉涅槃心別傳疇能知一笑且放下天花落威蕤金棺忽上
湧入滅哀歔歔更惟阿逸多次應補佛位授汝金伽黎以俟
慈氏至法寶交手付用以表信智因慶喜多聞未到三摩地

屬其間思修超然世出世演說恒河沙結習俱已旣爰相四
部中勝地冠南暨湛然入大定終古巖扉閉伊子愧構昧夙
稟煙霞心壯歲登仕版風塵長駸駸巨嶽徑其麓徒然歷崎
嶽官程歌鞅掌名勝遲登臨況此狎狗隔豈遑果幽尋今從
典午職遙抵蘭滄得裸夷昨納款仲夏行獻琛士舒格鬪苦
下免瘴厲侵皇威鷲涅士兵氣消蒼黔是皆慈力被瞻禮
情彌深東皇正司權和煦洽芳甸分途從普泐頗覺風雲變
迴環屆賓川羣峯已葱菁阡術互橫斜村墟類隱現杉楸蔽
重崖藤蘿翳虛澗本無豺虎藏偶見麀麀竄靜室及茅蓬迢
遞從空獻與梁躡雪陰兩河遞洄漩厓垠顯豁銜批穴暗輪
灌漾波出嶺踏穿沙簇葭亂谿迴仰華構突兀扁石淙志作鍾
樓臺煥金碧儀禽森青紅招邀憩精舍無語契圓通鹿苑自

岑寂幽景神融更移賓榻坐長明照簾櫳宵分聞刁騷天
籟鳴虛空疑是春雨急開軒月朦朧乃知奔瀉壯夏響兼杉
松清寒不能寐跣待晨鐘虬箭尙丁丁法鼓旋逢逢喃喃
禪誦啟浩浩潮音同闍黎願前導爲我開蒙茸朝霞亦漸明
灑露尙未已盤輿併筇笠才寸層巖裏初摩詩石臺再歷崎
人址謂楊奇迹盡堪詫往事屢屈指延緣迦葉堂規模最雄
偉幡幢耀粲楣恩映階庇想見妙莊嚴合與天宮比北望
敞晴窗屏展崇霄峙祖庭在其間迴向並胡跪手足互騰奮
耳目駭聽視蘭陀鬱崔嵬銅瓦轉迤邐將從猢猻升危梯斷
徙倚四峯觀峇峇盤旋到金頂浩蕩入鴻濛清空絕溟滓山
深高更寒寺古堅而整積雪春未消斑駁漬苔鼎雲路近九
重煙光納萬頃遠眺月竈西雪山露微景縹緲黃金塔

無田騁至此塵根窮一氣化孤迴再仰華首門萬仞頽摺斑
誰倩巨靈掌剜出雙扉並棖闌儼分明椽桷極嚴靚上臨觀
自在石像出形影下爲受記泉滴瀝蓄清泂方祈作道場工
巧神鬼逞是惟梅咀利說法兜率天修習唯心識遇實俱成
圓恒闢內外院三災何絲緣香雲華鬘雲樓閣重重懸天龍
八部等合沓歸陶甄妙因得未曾果位昭絃絃苾芻告靈應
法力殊無邊西南五天竺萬里窮坤塿僧號宗喀巴調御教
所沿班禪偕達賴其徒各萬千是爲大寶王供養陳嘉筵自
然盤陀石寬博百丈平如矢復如砥絕少蒼蕪纏黃帽駢繭
至膜拜昭精虔醞醕雜酥酪鐵鼓參鈴絃旋繞亦跳舞每歲
期無愆如是不思議廣大更圓滿聞言還作禮徐退復游衍
日斜窳堵波歸禽漸催晚微步至華嚴香廚飽一飯齏鹽倒

瓶盃筍蕨飴盤椀嵐翠欲霑衣壇燈忽照眼賈勇過悉壇雄
 傑推首選松龕圖發身寸光五采散依然三十二好相映丹
 巘衰衷不忍去聞鐘乃思返鬢髮雀母飛傀儻獅王偃煙暝
 囂哀猿塢深嗾獍犬發願何寺僧經聲遠可辨天空星河希
 夜久香絲斷曉陟藏經樓飛欄對崖巉三藏十二部迦文聖
 教作罡風偶震盪大地響鈴鐸初桃次第登經廚煥丹蘄或
 為世主請或令羣生學時地閒不同妙義並展拓試諷陀羅
 尼藕孔修羅愕龍樹得其詳鳩摩志其畧元奘之所搜澄觀
 之所約華藏清淨海般若恣包絡繙譯起魏晉唐宋更宏博
 蠻荒萬里陬高僧乃棲託旁行四句書十年共槃礴時時散
 天花往往奏天樂功德豈可思此游彌踴躍老僧謂余言茲
 山踰華岱峯崖三十九泉洞數幾倍寺觀百有餘廟廟不勝

載水石鬪玲瓏花藥盡罨藹優曇亞崇壇梅檀徧溪瀨鼠姑
 黃叢叢虎蘭雪蔚蔚芭苴大於門枿欄長似旛青篙抱數圍
 黃團巨方罝杜鵑十丈纏寶相千重挂縉蠻噤念佛迦陵亦
 搖曳潭深赤鯉浮嶺峻碧雞會團茅六十秋猶未悉梗概官
 程太匆忙勢難徧津逮矯首入定處煙巒橫靉靄清磬出迴
 颺迢迢醒塵界林杪銀河翻數道各澎湃瑋瑋諸澗流送我
 奏清籟回途抵半井傳舍除埃氛挑燈讀山志開土手所掄
 錢邦藝文暨古蹟幽渺搜殊珍當與霞客記志乘爭紛綸乃
 芭作識造化蘊難以尋常論五臺妙吉祥炎夏冰霜屯普陀面歸
 墟晏坐翻鯨鯢峩眉大因力光耀西南垠及此成四大允為
 十方尊作詩和梵唄一滴滄海分書罷翰音唱金鴉翦朝暾

傳衣寺

禪房前山泉一股就地迸出高丈餘旁有冬青全萃其上皆成珠樹扁曰篆煙泉

豈有颯輪扇九淵六時騰湧散淪漣當空瑟瑟珠為顆直上
 亭亭篆化煙月照玲瓏千尺雪風迴露灑百重泉知從地軸
 還銀漢長潤花宮玉樹顛次韻西清先生又九淵四水
 不待言愁已欲愁吟懷寥落句難搜稍欣細雨添秧水偶愛
 涼風報麥秋實塞軍須猶未息緣邊民莫尙應求蠻村畧與
 江村似叱犢聲中語栗留次韻西清先生

宿合江段氏樓四絕

透牆藁薛亂楓櫛窄牖危梯倦掃除絕似紅洲蠻峩裏竹房
 秋夜雨聲疎次韻西清先生合江如玦復如環濺雪跳珠下
 遠灘更和雨聲來枕上夢初那得到長安次韻西清先生

往來七度閱山程伏雨闌風馬倦行寄語南樓絃誦士澤車

款段足生平段氏兄弟父子皆博士弟子也

一燈明滅隱衡茅羈客如僧剩打包腸斷當年逢短至蕭蕭

鐘火侍龍旂時距夏至六日矣正前北郊時也

復至騰越示黃與

昔別歎萬里再聚欣經年滇池復抗手後晤真茫然豈知更
 一笑棲託來窮邊有如五緯星變段行長天疾雷與伏見偶
 爾同瑤躔所願光皎皎不逐塵霧遷君類房次律頗悟前生
 緣我比邢和璞物外空周旋非仕非寓公來往隨戎旃小泊
 安石渚相依良所便宵來半窗雨松竹鳴山泉從茲頻翦燭
 呼酒除勞悃

重過大樹園去年經畧居此

銀杏四五本翠竹千萬竿綠陰不見日蕭颯生微寒昔邪上
几榻瓜苦敦門闌當時草檄處今誰駐征鞍園丁占隙地架
木成枿欒見客如驚鹿款語意稍安何人得似此婦稚終團
團文淵病難起定遠生未還廢興等一瞬涕淚留餘潛小
南次升之韻

角巾東路更何時旅夜虛窗翦燭遲薄宦敢論如士燮安禪
端合叩楊岐人同石鷁飛常退詩比林獺響更悲就使并州
真似舊望雲終起北堂思

艱危何意說秦青三歎曾看酒琖停已分客嫌原父傲未妨
人忌次公醒心情無復泥沾絮身世空憐雨打萍誰識來思
詩句好殘宵燈火謝家庭昨家書來知弱女已誦小推矣

夜渡潞江

六千君子已沙蟲依舊奔流怒殷空自笑老夫頑更健又呼
舡艫過江東

瘴雲如墨夜冥冥江館荒涼六度經津吏不來燈火滅坐聞
鼠墮寒廳

廣庭先生以雨後書懷詩見示次韻

象齒南金貢未錫蠻雲涅土軍猶壁已停曠騎報烽煙偶較
鸞弧鳴霹靂是日較射江遠虛傳鬼彈生氣烝時聽雷車激霽餘
斜景耀琴書秋近涼颺拂巾簪鈴索誰知戎幕清茶煙宛似
禪林寇先生道眼久已空晚歲安心豈須覓勤學偶開伯業
書勞歌一任爰生笛逝將香觀掃塵根更演潮音破憂戚去
來一致不容思垢淨兩忘何用滌深知解脫珠早還自顧貪
癡棒終喫鈍根擬斷睡虵昏清境思隨夢蝶適東山况復緩

端歸西邸常欣奉良覲月華夜夜對三人海味朝朝傳一滴
先生頻日示詩皆見道語伸紙休驚筆有神談空久識詩無敵

讀升之放言一篇再疊前韻

吾才鈍劣如鉛錫日日吟餘臥蹋壁驟驚強句似飛黃忽向
龍池生霹靂依稀天問與招魂欲擬湘纍豈有激博博誰窮
九地深高高詎測三重巖出出謔謔任吉凶烏烏雅雅從諠
寂牛哀化虎本何因樂廣疑虵難更覓醉醒還憑下若縉存
亡空感山陽笛浪傳貳負久橫尸孰信荆天工舞戚放眼君
今懷抱寬洗心見李氏易傳我已肝腸滌不見去年爻徵外如墨
江流自煎喫金甲春來雖未銷掃地焚香已嚼適家人在室
感蠨蛸著莢寧須三歲覲戎州無事雨初停偶聽檐花階下
滴槎枒肺腑一廢吟不比昆陽輕大敵

三疊前韻示升之

條侯不奉師中錫獨挈孤軍走吳壁一朝喜得灌夫來舌有
風雷飛霹靂生平肝膽本輪囷寶劍生銛飛矢激邇來世路
苦遭迴劇甚疇人算方罫百鍊鋼成繞指柔竟欲投閒耽闋
寂鹿脯頻須作帖求豬肝自分從人覓賞音終愧遇中郎仍
向柯亭斲殘笛土壻何堪接鼃鼃蔗枝詎足諧干戚關前赤
羽儻旋停衣上緇塵當更滌幽居時與蔣卿游珍果還同朱
老喫杜詩梅熟好同朱老喫長流已免似虞翻晚達何心羨高適君歸
如復向淞南煙水拏音定長覲好倩奚奴壓酒槽更呼小婢
排酥滴閒人端可作閒詩擁盾詞場再求敵

黃與和韻見示四疊前韻

錢郎標格如金錫擁被高吟聲撼壁黃與每夕必背誦韓杜詩十數首忽拈

劇韻剛雄豪落筆空堂響霹靂詞摹冰柱豈嫌怪意傲石壕
寧患激何爲芒彩忽中散大似彝尊疏布冕君言往歲忝軍
諮借籌肯作寒禪寂殺氣如山欲壓營伏戎獨入箐林覓殷
天巨礮亂繁星仍臥沙場夜吹笛歸來殘血漬征衣未許妻
孥問歡戚擬紆噫氣發刁調斂毫更向冰壺滌指天只恐忤
雲門棒殺遺殺狗子喫羨君意氣已漸平呼馬呼牛從所適
我今處此似桃源已過花紅復來覲智中壘魄勿復云差愛
眞珠帶與滿精邱有路達華胥笑眎人間蠻觸敵

與黃與話去秋從軍時事五疊前韻

去年北地形弓錫分路揚旌出銅壁兩軍合勢夾江趨蛇鳥
風雲迴霹靂自慚記室本非材橫槊鳴鞘差壯激積淖注注
淫雨深蒸歎漠漠蠻雲冪長圍兩岸督環攻巨礮中宵猶未

病疾厥地惡病河魚肘後奇方安可覓所欣釜底剩游魂死
已入俗倫笛乞款書來忽受降番衆譴闖破慘戚爾時君
有駐窮邊兩蹀衝泥無暇滌飛書警報刺聞來毳飯寒菹隨
與關門並轡得歸休夢到鈞天無此適追思殘暑始分襟
莫意窮冬再相覲如今羈旅數經過重話艱危淚潛滴儒生
磨盾竟何爲詎有重瞳萬人敵

前八韻前作意有未盡以詩足之六疊前韻

隱峯神足工飛錫坐使強軍俱入壁乃知至人無畏施蟻跡
衝車走霹靂我今荏苒柔木同妄擬孫郎多感激頻將學道
願張津閉戶蒙頭絳帕冪去年仗劍飽艱辛始悟禪那堪守
寂此間寥闕過精藍枯松剩有寒鴉覓雙鳩學語亦未圓偶
聽嚶鳴等琴笛顛毛已自久成翁肺腑誰人密似戚伊威承

夜感淒清踰廁終年虛僻滌僑居畧比一枝棲意緒闌如七
椀與青山倏墮滿牆頭欲望中吳究安適名園底處羨樊重
妙墨何當問孫覲不學丹砂絕微尋寧思石髓空山滴小窗
虛自證楞嚴澄心自掃陰魔敵
意筆麻奉酬黃與見示之作七疊前韻
碩人渥赭如公錫舞應編鐘懸四壁深知律呂台寒溫不取
徽絃名霹靂詩成示我再三歎擘諧肉好蠲悽激識君繕性
兼尊生浮沈本任蒼穹羈况聞少日本單寒破屋三間甘圍
寂壯年流宕轉他鄉溪南一飽無由覓忽從奏賦上金鑿
自此雲韶聞籥笛差堪算權效裴諳未肯干時慕甯戚從
頻歲按炎陬洗兵志在蠻氛滌庶幾絕徼免征徭粗飯窮
得飽喫元魯山與黃道州置君其列殊堪適生平清德儼

揚久畏人知謝貨覲飲冰茹蘗不嫌辛此味傳家如乳滴請
看犀角兩兒郎頭玉嶢嶢虎豹敵

寄博晰齋八疊前韻

使君才似薩天錫曾向蓬瀛看畫壁揭來按部抵邪龍十八
溪流轟霹靂世事圍棋劫未闌人情踏弩機常激君今處此
獨忻然太清肯被微雲羈巖關絕隘自迴旋藥裏書籤伴岑
寂元卿况復在比鄰沾酒空齋定相覓

蔣檢討舜游時主
大理書院講席憶

昔邊城蚌甲時燈月雙圓試笙笛登場一聽囀春鶯左驥史
憐俱悽感舊夢如雲不可尋柔情似水何能滌知君病起萬
絲疎一口西江竟能喫雪泥鴻爪本無痕義髻銀筓隨所適
只聞馬首欲東行參商相望何由覲此詩莫遣細奴知恐惹
蠻箋紅淚滴天涯蕉萃又西風寄聲秋士愁無敵

雨後再過易羅池亭
遙峯影落清池底一段濕雲收不起閒鷗偏掠雲上飛零亂
穿雲魚數尾半痕淺碧秋羅紋未容荷芰翻紅巾山神連夕
送急雨蘋華荅葉俱鮮新我來倚檻數層嶂脚底忽聞人蕩
槳前池隱與後池連水閣如橋通小舫

七月初九日曉夢忽得十四字不知是何題也醒而
成之因憶前此夢中似至恒春舊居憑欄眺望有一
把柳絲二句今亦足成一絕

萬疊春雲碧似煙京華何處望南天鴈回莫恨無消息路過
衡陽又五千

燕泥珠網挂簾鉤別館蕭條只似秋一把柳絲風又雨更無
人與綰春愁

七夕

梧桐一葉秋悽懷最難釋星宮亦有情誰能禁孤隻所以來
復期於茲契靈蹟今年逢午閏經月已見厄入秋又兩旬迺
始邁嘉夕宛如人間世羈臣少歡懌五角與六張事事動乖
偏黃姑本諸天橫陳已久斥執手成陰陽此懷尙脈脈生爲
窈窕室女明妝應掄翟自從黃鵠聘錢瀕河處幽僻雖有神足通
靈波限咫尺青鸞未肯承烏鵲獨遙惜願以雙翠羽踐此文
秦迹遂令癡兒女乞巧薦瑤席蘭香終自熏明慧究何益不
見七襄工終朝勞緯繡我本不解事南來更衰白聾牙古性
情人世應棄擲稽首煩禪遺諒神非所嗇還書祈拙文幸無
室人謫

廣庭先生以詩見示次韻

此生已學意生身偶爲明河感昔塵客裏秋期渾似夢病餘
詩筆愧如神小窗燈火依初月故國刀環隔暮春先有今春
回京之約
尙是關山戎馬日莫教雙雉報歸人

八月十七日黃與招同明侍衛碧夢不及升之集易
羅池小飲待月次碧夢韻二首

亭臺到處有清緣雨過長空卯色鮮碧漢尙留前夜月本擬
以十

四日來游青山低映半湖煙翦燈便作停雲地鬪酒初逢冷

露天是日交我亦提戈經轉戰西風吹鬢已蕭然亭舊有明
參將鄧子

龍對聯云百戰歸來贏得鬢邊
白髮千金散盡惟餘湖上青山

勝地重來有勝緣波紋星影共澄鮮依城佛塔凌秋嶂隔岸

人家罨暮煙柳葉蘋絲橋外路玉沙金礫鏡中天鬢懷只合

青騰醉聽盡歌雲倍黯然

永昌水仙花臨秋已開或有疑其非時者次蘇文忠

公韻以解之

水仙本仙種又如守節賢蕭條冰雪裏芳澤終能全所以楚
靈均瓊佩中流捐茲開值秋仲弦月初行天忽疑江南岸餞
臘當殘年亭亭凌波出冉冉微香傳炎方花事盛紅紫春新
鮮似憐秋落莫數朵欹涼煙依然歲寒意雨夜爭幽妍明燈
耿檣暈照我曲尺眠尙愁麝火觸豈敢茶鑪煎惜無梅山磬
物外同靜便招此斷腸魂永作一笑緣更與覓清供石筍兼

茗錢

游寶山寺寺在法寶山蒙
氏異牟尋所建

客中情緒如眠蠶亡何日飲誰能堪忽聞城東山寺古走馬
一逕遵煙嵐苔厓翠屨儼屏扇九隆離立高相參危碕短約

度村聚山椒雜沓圍松栢崇階登頓八九級入門調御排蓮
 龕于香正發糝紅片凌風金粟香初含老僧扇衣乞食去雙
 扉自闔無人監沙彌一兩洗故衲氣象蕭寂兼清嚴旋由經
 廚啟梵筴多聞義學窮詰誦函中如維摩圖覺諸經皆係荒
 寫本其餘俱有鈔撮他註者
 陬猥瑣士失學經史散佚無人耽桑門結習尙復爾青衿對
 此當懷慚碑書古刹肇蒙舍南詔立國紛戈鐔傳異牟尋正
 七世西破吐蕃陳貢函地圖方物進絡繹清平官使齊朝纂
 銀窠金印示寵錫作藩南服聲靈覃鐸鞘浪劍誌武烈何亦
 佞佛開精藍想當建朐役萬指琅璫鐵鳳翽重簷閱時千禩
 屢興廢數椽仍見畱空嵌層樓縹緲出林莽振衣直上恣幽
 探拓窗俯視堆衆皴沙河一派流漸漸原從大雪及交椅山
 沙河發源交椅大雪二山合流循山而下入諸葛
 堰達于東湖堰相傳武侯所築村農曳以灌田循山曲折

趨東潭當年雍闓實逆命建寧烽火傳川南王伉呂凱誓死
 守神兵一掃妖烽燿安邊自應濬水利豈必附會如叢譚况
 今秋成逢大稔黃雲萬頃盈甌餽武侯既往遺蹟在利澤萬
 世偕巉岷遐陬弔古不忍去荒林何意停羸驂殷雷欲奮雨
 脚挂下嶺猶戀鐘聲餽

秋夜

滇南不知寒豈識秋氣到今宵振微颺著體顛料峭林葉雖
 未翻微黃已見告有如中年人忽忽近衰耄蠻奴率愚蠢安
 能解悽悼空將寥落懷付與蟋蟀弔我本九辨徒尻輪落南
 詔行年四十七往事益縈繞明月漸如珪秋雲薄于縞清燈
 鑒羅幃此意與誰道惟應淨塵根羈愁庶可掃

變年壯臂痛

隻手扶天綱壯懷本磊砢人道況尙右臂脚用尤駭如何忽
痿痺督脈困拘鎖去年暑未殘奮身入汙裸毒淫纏心脾蒸
濕注骨踝肩背亦受傷動若遭箭筈蠅頭久不書搦筆謝瓌
瑳何由傲清臣脚氣篡叢瑣所擬從期門殺敵尙須果今茲
筋肉弛寧異左師跋拓戟暨彎弧二者無一可矧此雲幕中
從事兩破破蕭剩一人半定見等廢情懸知時命慳遠客仍
軾軻昨者思據鞍欲上已懞懞實緣精氣衰豈能藉藥裏只
合歸江湖隱囊趁單舸臨秋更持蠖此計庶非左

升之生日次廣庭先生韻四律

比歲同軍府霜清拂劍花何期弧矢節仍望斗杓斜文采傳
窮微聲名冀克家兼懷令依劉真得地彈鋏不須嗟
促坐收書帙哦詩散墨花西風寒漸峭南陸景初斜雪

千丈秋砧十萬家孤生虛負米獨起望雲嗟

生意沾泥絮微蹤落溷花題襟從慰藉步履互橫斜雲樹遙

當戶琴樽宛在家回思烽火日致語莫興嗟去年升之從軍有路此日正抵

坎哈

菊淨朝團露楓殷遠鬪花夜寒石溜響風起篆香斜翦燭宵

疑夢銜杯醉是家杜詩得醉庚寅懷誕降應笑楚臣嗟

碧夢以所獲野鳥見餉有作

昔我未仕儕村農繡鴨作隊柴門東拍浪兒挾桃枝弓數獲
往往誇盈籠誰知火鎗用更宏剡木三尺髹以紅中剗一窠
枵而空實子五銖鉛所融和厥硝藥能飛衝是時秋高盡稜
穰滯穗盈畝禽所從綠頭接翅翹涼風日俛且啄膚草充君
也衲服馳黃驄天發殺機聲隆隆流星一點行青穹中必疊

雙等五豨如皋之笑迴明瞳歸飭膳宰和椒葱殖膏鮮羽真
宜冬知我杞菊厨不供臺餽欲使加朝饗游畋畢弋古所崇
羨君藝比蒲且工微生每為口腹窮只合長避菰蒲叢打魚
有歎將母同歡娛蕭瑟一飽中對此忽憶歸吳淞

病中生日升之復次前韻見贈奉酬四首

十笏維摩室新詩宛散花獨憐人漸老竟似日將斜寥落三
年戍飄雷兩地家感君鄭重意伏枕更長嗟
此日京華路仍添供佛花冰霜時慘澹燈火淚橫斜已分愁
為宅長憑夢到家我辰竟安在莫慰倚閭嗟

龍鐘四十七一夢等空花每厘中年感兼逢暮景斜繡經依

佛地致語藉僧家先是寶山寺僧言余生辰當為焚香展祝舊雨同今雨猶欣憶

子嗟是日黃與碧夢及吳知州式齋借皆見過

梅糝千枝玉蘭抽九畹花恰從禪榻伴留畔藥煙斜客久拚
更歲時艱敢憶家何當聞吉語把酒免咨嗟

廣庭先生復以詩見示次韻四首

蕭瑟三冬節衰遲一葉身幸隨西府掾敢擬北樓賓垂老才
華減相知笑語頻微生同小草竊喜近韶春

昨歲逢今日初收遠戍身去年此日正班師至黑石河烽煙停轉戰琛賚

佇來賓論事驚心久籌邊屈指頻青雲漸干呂吹律應回春
父母劬勞日關河漂泊身鑿楹思教子翦髮憶留賓鄉夢蒼
茫隔家書悵望頻采蘭與懷橘何計報三春

不分懸弧志終成斷梗身生涯隨馬旅職業託龍賓把酒挑
燈數看山拄笏頻醉餘忘失路疑在故園春

原作

長白阿桂廣庭

瘴地三年客軍中百戰身傳經崇世講蘭泉鄉試座主夢少司農文子會試
未青銓聚正頻初辰一卮酒梅放近陽春座主錢少司寇稼軒及房師李少司農文子會試

金松次韻

喬松金氏宅其勝夙未經趁閒試一訪舉策開幽局蒼然起
寒色間歲非修齡何為蟠屈意已若鍾英靈一枝欲直上忽
折橫空庭盤拏不得放鱗鬣爭浮青森森鬪遠勢颯颯回層
冥過精兼覆屋力足排飛霆濃苔久更暈弱羽愁難停其根
亦墳起盡得蛟螭形安知九地底負土無仙苓寒飆雖振蕩
儼激山泉冷終看後凋性不作先秋零主人頰絃誦守獨哦
遺經人生應孤勁此可當前型勿同宋社櫟擁腫論荒坵

魯梅次韻

魯梅似幽人相賞不在衆一枝竹外斜已足挂么鳳况茲古
梅古意外出奇縱生涯倚破屋孤瘦誰與共頻年苦蕉萃豈
免時俗諷終看標格在桃李敢伯仲我欲訪冰花一洗邊瘴
重蕭然白版扉繫此青絲鞋更攜益友三黃與升不藉閒賓之碧巖
從透枝但清吟未敢狂擊甕可憐青銅柯半倒蒼石縫餘香
仍返魂洵為天所種坡詩嘉蕪天所種春禽亦苦寒深夜絕啁啾宛
然始射仙翠袖守僵凍誰為聘海棠佳耦匹齊宋清愁無可
泥煎幾酒一中歸途聞霜鐘煙月宛如夢

庭梅試花有作

依依疎影傍檐楹空裏寒香逆鼻生客為重來增悵望花如
舊侶共淒清冰霜蕭瑟春猶淺燈火青熒夢未成莫怪鄉愁
今更亂天涯又近歲華更

除夕口占

滇南三度餞華年最是今番寄絕邊
斗大山城同聚落偶聞爆竹響春煙

藥梳經句旅病淹心如黃蘗幾時甜
頻年不見梅間雪暗向征人鬢上添

先春桃杏已飄英隱隱殘雷度碧城
守盡長宵眠不穩獨聽漏版過三更

不拈臘酒不吟詩坐對緜桃一兩枝
更有紅鑪知伴我瓶笙永夜奏參差

春融堂集卷十二終



